




Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 817 8° copy 1







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 817 8° copy 1





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 817 8° copy 1



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 817 8° copy 1

1-303.

DA BOX

LN 817

ex. 1

M





COMMENTARIVS  
IN EPISTO  
LAM PAULI AD  
PHILIPPENSES,  
SCRIPTVS

35

A  
NICOLAO HEMMINGIO.



Rom: 5.  
Patientia probationem operatur.

VITEBERGÆ  
ANNO M. D. LXIIII.





ORNATISSIMO  
VIRO EXIMIA DO-

CTRINA, MAGNA PIETATE ET  
summa uirtute præstanti, M: Paulo Nouio-  
mago, olim concionatori illustrissimi Regis  
Daniae &c. Christierni Tertij, grauissimo &  
constantissimo suo ueteri amico ac  
fratri in Christo dilecto, salu-  
tem precatur

NICOLAUS HEM-  
MINGIVS.



ETERES VICIS-  
situdinem rerum hu-  
manarum aptissimè  
circuli uolubilitati  
compararunt. Nihil  
enim in rerum natu-  
ra mutabilitati præ-  
cipiti & usitatissimæ rerum uicissitu-  
dini magis simile reperitur, quam cir-  
culi rotæue motus. Siquidem ut cir-  
culus una eademq; linea circumagi-  
tur, hoc est, abit & redit, ascendit atq;  
A 2 descen-



EPISTOLA

descendit, eodemque motus impetu,  
 quod primum erat, ultimum efficitur  
 & quod ultimum, primum euadit:  
 Ita in rebus humanis summa imis, &  
 ima summis, tristitia lætis & lætis tristitia  
 sibi inuicem succedunt, & ueluti com-  
 miscentur. Id quod omnium homi-  
 num certissima experientia luculen-  
 tissime testatur. Quis enim, obsecro,  
 hominum unquam fuit qui semper  
 in eodem statu permansit? Cuius ua-  
 letudo unquam morbis non est inter-  
 turbata? Cuius gloria non aliquan-  
 do aliqua nubecula obscurata est?  
 tempore pacis quam non uicissitudi-  
 nem rerum patresfamilias & guber-  
 natores rerumpublicarum experi-  
 rentur? Cum sæuius Mars regnat que  
 est fortunæ constantia? An non ue-  
 rissimum est illud Homericum ξωδὲς  
 ἐνυάλῳ καὶ τὸν κτανέοντα κατέκτα? usque  
 adeo uerum est quod dicit Nazian-  
 zenus Sophronio scribens ὡς αὐραὲς  
 μάλλον πισεύειν, καὶ γράμμασι τοῖς καθ'  
 ὕδατος ἢ ἀνθρώπων εὐχμῶν. Ob hanc  
 uoluz



DEDICATORIA.

uolubilitatem non immerito τύχη φε-  
ρέπολθ à Pindaro nuncupatur, &  
ὁ βίος ἔοχος à Phocylide dicitur.

Hanc inconstantiam rerum huma-  
narum cum uiderent Pompeius, &  
Dauid non eodem modo uterq; affe-  
ctus est. Pompeius hanc uicissitudinē  
cogitans, disputat an sit prouidentia,  
an Deus curam rerum humanarum  
habeat. Cum enim dissipato exer-  
citu Mityline diuertisset in hortum  
Cratippi Philosophi, magna conten-  
tione concludit nullam prouidentia-  
m esse, cum ipse olim in deteriori  
causa foelix fuerit, & nunc in causa  
meliori uictus sit. Dauid autem exu-  
tus regno, persequente se filio Abso-  
lone, non disputat an sit prouidentia,  
sed confirmatur magis de prouiden-  
tia. Nam non solum iustum Dei pro-  
uidentis iudicium agnoscit, & se di-  
gnas poenas luere fatetur, uerumeti-  
am euentum non fortunæ, sed Deo  
constantissimè tribuit. Vt ex his uer-

A 3 bis



EPISTOLA

bis ad Zadoch Sacerdotem apparet,  
 reporta (inquit) arcam Dei in urbem : Si inuenero gratiam in oculis Domini reducet me, & ostendet mihi eam & tabernaculum suum : Si autem dixerit mihi non places, praestolum, faciat quod bonum est in oculis suis. Hæc oratio non est disputantis an sit prouidentia, Sed est anhelantis ad misericordiam Dei, qui, ut punit peccatores, ita in gratiam recipit confugientes ad misericordiam. Cato cum ob bonam causam pateretur exilium turbata mente, de prouidentia Dei dubitat, ac tandem sibi ipse manus cruentas adfert. Contra uerò Ioseph iniustissimè à fratribus uenditus in exilio conscientia recti se sustentat, non fremit aduersus Deum, Sed potius acquiescit in Deo, intuetur Dei promissiones, nec dubitat de prouidentia Dei, Sed certo statuit Deum sibi adesse, & aliquando liberaturum se à tristissima seruitute in qua fuit. Breuiter ut omnes  
 ignari



DEDICATORIA.

ignari Dei uicissitudinis, rerum cogitatione decepti, perturbantur, & de prouidentia dubitant idque potissimum cum aliqua subita calamitate inuoluuntur: Ita Theodidacti ac pii cum uident tantam rerum uicissitudinem, Dei consilium adorant, & ipsi pressi cruce ad tutissimum asylum nomen Domini confugiunt, & ex euentu quem expectant lætissimum mitigationem doloris petunt. Ignaris Dei adiungo securos qui cum uerbis se sanctos & fideles ostentant, & gloriantur de Euangelio, factis se Neronēs & Heliogabalos exhibent. Quantum autem hic uacillant, sæpe uoce ostendunt. Nam cum uident euentus suis Sapientibus consilijs minime respondere, aut Deum tacite accusant, aut casu ferri omnia apud se cogitant, etsi lingua aliud loquantur.

Sed quæ huius rei causa est? Ieremias eam clarissime assignat cum ait. Confusi sunt sapientes, præteriti &

A 4 capti



capti sunt. *Verbum enim Domini proiecerunt, & quid proderit eis sapientia?*

Sed qui fit quod Pompeius desperat in exilio suo, & Dauid inuicto animo persistit? Pompeius nec causam nec finem uicissitudinis rerum humanarum intelligit. Dauid autem & causam & finem recte æstimat. Sed quænam causa illa est? triplex est causa quare optimus pater noster cœlestis nunc nos exaltat, nunc humiliat, nunc morbis premit, nunc ualitudine bona erigit, uidelicet, iudicium iustum, misericordia gratuita, & *δοκιμασία* necessaria. Iusto iudicio suo Dauidem exilio punit: Gratuita misericordia eundem ad regni fastigium euehit. Exploratione necessaria eundem nunc lætis, nunc tristibus tentat, an se uere timeat, nec ne. Sic Abraham aliquando prospera, aliquando tristi fortuna usus est. In prospera misericordiam agnouit, in tristi iudicium  
falsus



DEDICATORIA.

passus est. In utraq; constanter in Deo  
acquieuit. Quod autem uocetur in  
peregrinam terram, quod cum fame  
luctetur, quod periclitetur uxoris pu-  
dicitia, quod iubeatur ipse mactare  
filium, quod tandem charissima con-  
iuge priuetur, explorationis argu-  
menta fuerunt. Similia uidemus in  
multis alijs sanctis.

*Quis finis est huius vicissitudinis  
& inconstantiae rerum?*

Duplex finis assignatur a Nazian-  
zeno hisce uerbis: ἵνα τὸ ἐν τοῖς ἀσά-  
τοις καὶ ἀνὴμαλον θεωροῦντες μαλλὸν ἢ  
προσέρχωμεν τῷ θεῷ, καὶ τοῦ μέλλοντος,  
hoc est, ut cum in hisce mundi rebus  
uideamus tantam inconstantiam &  
uarietatem, accuramus ad Deum ip-  
sum, & anhelemus ad futuram uitam.  
Ad Deum quidem accurrimus non  
pedibus, Sed affectibus, uidelicet cum  
in aduersis ipsum ex fide inuocamus  
ardenter, cum ob benefacta ipsum ex

A 5 fide



## EPISTOLA

fide inuocamus ardentem, cum ob benefacta ipsum uere prædicamus, cum in tentationibus in eius uerbo acquiescimus constantes. Anhelamus uero ad futuram uitam quando neglectis omnibus commodis & incommodis πολιτὶσμα nostrum in cœlo esse statuimus, unde expectamus saluatorem Dominum nostrum Iesum Christum, qui nostra humilia & abiecta transfigurabit corpora, ut sint conformia suo glorioso corpori, idque ea potentia qua potest sibi omnia subiicere. Quod ubi factum fuerit nulla amplius pertimescenda est rerum uicissitudo.

Sed cur, inquires, mihi hæc? quorum hæc tendunt? Supericri anno, Clarissime uir, unâ fuimus, & multum congratulati sumus nobis inuicem, quod non solum in his regnis tranquilla essent Ecclesiæ hospitia, & summa esset in religione docentium consensio: uerumetiam quod tranquilla & quieta esset respublica sub optimo



DEDICATORIA.

optimo & clementissimo Rege nostro D. Friderico Secundo. Deinde etiam non parum gaudij attulit utriusque nostrum amicorum & necessariorum honesta consuetudo. Quid amplius quaeso optare potuimus? Sed pro dolor, experimur rerum uicissitudinem permagnam.

Etsi autem religio, sit Deo gratia, salua est: Etsi eandem optimi regis clementiam experimur: tamen uidemus magnam uicissitudinem rerum, uidemus multas domos desertas quae superiori anno habitabantur quiete. Non pauci hodie miserè mendicant panem, qui ante paucos dies abundabant omnibus necessarijs. Vsq; adeo saeuo Martis imperio suscipere decesserunt omnia, & ut taceam de alijs uterque nostrum non parum hoc anno uicissitudinem rerum experti sumus, qui, quos habuimus charissimos hoc anno amisimus. Vt enim ego matrem charissimam: Ita tu filiam dilectissimam



EPISTOLA

ctissimam mestus desideras. Quid hic nobis faciendum? intuentes publicam calamitatem agnoscamus iudicium Dei punientis multa occulta & grassantia peccata, & praesertim impunitatem scelerum in hoc regno: tangamur uero sensu doloris ob iniquitatem nostram, & confugiamus ad eum qui diues est misericordia, eumque precibus nostris, ut benigne mitiget poenas quas iuste meruimus, sollicitemur. In necessariorum amissione, cogitemus consilium Dei, cui isto pacto explorare fidem nostram & patientiam placuit.

Sed dices forte grauius esse filiam iuuentulam amittere, quam matrem octogenariam. Etsi non magnopere inficias eo, tamen negari non potest quin matris obitus homini pio acerbissimus sit. Et tametsi fateor dolorē meum ex eo non parum mitigari, quod mater mea honestē multos annos in coniugio uixerit, & deinde uisdua 28. annos castissimē uitam transegerit,



DEDICATORIA.

egerit, & tandem ætate confecta, piè  
animam Deo commendauerit; ta-  
men affirmo te non minorem conso-  
lationis materiam habere in morte fi-  
liæ, quam ego in obitu matris charis-  
simæ. Nam quod imperitis homini-  
bus summum dolorem adferre solet,  
hoc tibi uiro sapienti debere esse ma-  
ximo solatio statuo.

Quid, inquires, hoc est? dicam. Piè  
& sanctè ab ineunte ætate fuit edu-  
cata filia tua, artes honestas muliebri  
Sexui conuenientes perbellè nouit;  
Piè apud parentes uixit, iuste foris  
cum alijs conuersata est, nupta opti-  
mo & doctissimo uiro M. Paulo Ri-  
pensi Episcopo ueteri amico meo  
sanctissimè & honestissime uixit, ac  
tandem castissimum spiritum Deo qui  
ipsum dedit, in inuocatione nominis  
Dei tradidit. Quid ultra requiris? im-  
matura morte occubuit. Quasi im-  
matura esset censenda, quam Deus  
longiorem esse noluit, quasi breuis  
esset



EPISTOLA

esset uita, quæ pie & sancte transacta est. Seneca grauissime ait: Sicut fabula, sic & uita, non quàm diu, sed quàm bene acta sit refert. Age quæso cur filiæ tuæ Dorotheæ nomen in baptismo tribuisti? An non ideo quia eam agnouisti  $\delta\omega\pi\omega\tau\delta\ \delta\epsilon\delta$  esse, hinc enim est Dorotheæ appellatio. Si donum Dei agnoscis filiam, cur ægre fers quod Deus quod suum est repetit? Vt auertat ab ea pericula, quibus obnoxij sumus nos qui superstites adhuc in hac lachrymarum ualle oberamus mille casibus expositi.

Sed dices: non Stoicus sum, non exui storgam diuinitus hominibus impressam, Natura est dolor ob charorum amissionem: fateor id quidem, sed ut natura est dolere amissione charorum: ita pietatis est se Deo subijcere, & ex uoluntate Dei & promissionibus diuinis consolationem petere; mixtus sit igitur tuus dolor consolatione & obedientia erga Deum



*DEDICATORIA.*

Deum. Hæc cogita Charissime frater, quoties memoria dilectissimæ filia tua paterna uiscera commouet. Cogitatione iudicii & misericordiæ Dei te sustenta, meditatione æternæ consuetudinis cum filia & omnibus sanctis in æterna uita te solare, uicissitudinem lætitiæ & doloris in hac uita recale, cogita læticiam & dolorem in hoc mundo sibi inuicem ita cedere, ut maior sit dolor & sæpius recurrat.

Vt autem & ego inter alios tuos amicos quos summa doctrina, magna pietate & singulari uirtute tibi comparasti, non nihil adferam ad mitigandum tuum istum dolorem ob amisam filiam, mitto tibi annotationes meas in Epistolam Pauli ad Philippenses, quas sub tuo nomine in lucē prodire uolui, ut testarer de nostra inter nos amicitia, cuius testimonium uolo hæc annotatiunculas esse, & rogo ut quoties has annotationes uideris, reuoces in mentem uerba Pauli quæ  
sunt



*EPISTOLA DEDICAT.*

sunt in huius Epistolæ tertio capite.  
πολίτευμα nostrum est in cœlo, unde  
expectamus saluatorem & reparato-  
rem nostrorum corporum, ut fiant  
σύμμορφα glorioso corpori ipsius. Cre-  
de mihi quod nullum sit præsentis  
doloris remedium, quàm fides ho-  
rum uerborum & pia resurrectionis  
meditatio. Vale cum uxore tua An-  
na castissima & liberis. Hassnia,  
Calendis Nouembribus,  
Anno Domini


1564.

ARGV=



# ARGVMENTVM EPISTOLAE

PAVLI AD PHILIP-  
PENSES.



OCCASIO EPISTOLAE ad Philippenses scripta, ut ex quarto capite apparet, hæc fuit: Miserant Philippenses Paulo, cum Romæ in carcere ageret, necessaria ad uitæ sustentationem per suum, ut apparet, Parochum Epaphroditum: & passim Pseudoapostoli sinceram Christi doctrinam corrumpere cœperant, idq; prætextu Legis & Circumcisionis: sed Philippenses nihilominus in doctrina Pauli perstiterunt constantes: Quare Paulus, cum ut futuro periculo occurrat, tum ut suam erga Philippenses animi gratitudinem declaret, hanc scribit Epistolam: quæ sanè uaria & multiplex est, ut non possit ad unum certum causæ genus referri, ut pleræq; aliæ.

Vt autem eò clarius & distinctius tractatio ipsa intelligatur, & orationis methodus cognoscatur, diuidam hanc Epistolam in septem partes, sed exclusis epigrapha & ualedictionis clausula.

B PRI



COMMENT: IN

PRIMA itaq; PARS est exordium ipsum, in quo gratias agit Apostolus Deo pro Philippensium constantia, uidelicet quod persisterint in sana doctrina, cum multi alij hereticorum erroribus fuerint implicati.

SECUNDA PARS expositio seu narratio est: in qua quid secum actum sit Romæ, exponit: uidelicet quod in carcerem sit coniectus, propter defensionem Euangelij: quæ res cecit in magnum Euangelij profectum, idq; contra expectationem aduersariorum.

TERTIA PARS continet paræneses  $\pi\rho\sigma\tau\epsilon\pi\iota\kappa\alpha\varsigma$  ad uitæ morumque integritatem & constantiam facientes.

QUARTA PARS demonstratiua est. Continet enim laudes & commendationes Timothei & Epaphroditi, ut Philippenses sciant quanti facere debeant, non solum ipsos, uerumetiam omnes alios qui in promouenda Euangelij doctrina uersantur & occupantur.

QUINTA PARS paræneses  $\alpha\rho\tau\epsilon\pi\iota\kappa\alpha\varsigma$  continet, uidelicet, ut Philippenses falsos doctores & doctrinæ corruptelas caueant, additis grauissimis rationibus, quibus iudaicos errores de Circumcisione & Lege & Iusticia, qua coram Deo consistimus, egregie confutat & euertit.

SEXTA PARS, priuatas ad quosdam, & generales ad omnes exhortationes continet.

P O



## EPIST: AD PHIL:

POSTREMA PARS habet approbationem beneuolentie Philippensium & liberalitatis eorum erga se, uidelicet, quod sui rationem habuerint, & per Epaphroditam parochum necessaria quedam ad uitæ ipsius sustentationem miserint.

Hiscæ septem partibus admiscuntur per occasionem, ut fieri solet, doctrine uariæ & multiplices, quarum explicatio summe necessaria est, ut de duabus naturis in Christo, de humanitate Christi, de eiusdem glorificatione, de uera iustificandi ratione. De gloriosa corporum nostrorum conformatione ad similitudinem corporis Christi, De abrogatione circumcisionis & legis Mosaicæ. Sed de his copiosius in enarratione.

## SUMMA CAPITIS

### PRIMI.

**G**Ratius Deo actis ob constantiam Philippensium in fide Euangelij, & indicato suo pro ipsorum salute studio, exponit Apostolus quod carcer suus Romæ cesserit in maiorem Euangelij profectum, speque facta de suo ad ipsos reditu hortatur eos ad uitam Euangelij dignam.

## ORDO ET PARTES

### PRIMI CAPITIS.

B

2

Quinq



COMMENT: IN

**Q**uinque sunt huius capituli membra, Epigrapha, Salutatio, Exordium gratulatorium ob profectum Philippensium in fide Euangelij, Narratio profectus Euangelij Romæ ex occasione sui carceris, & exhortatio ad uitam Euangelio dignam.

EXEGESIS PRIMI CAPITIS

CVM OBSERVATIONE

DOCTRINARVM.

Paulus & Timotheus serui Iesu Christi.

**C**ommunem professionis titulum ponit sine mentione Apostolatus, idque propterea quod ijs scribat, qui de suo officio & uocatione dubitare non poterant. Quod autem Timotheum sibi adiungit, Christianæ humilitatis indicium est. Non contemnit Timotheum ut inferiorem donis & uocatione, sed eum sibi adiungit in Euangelio socium, ut suo exemplo ministros Euangelij humilitatem doceat. Hoc proinde exemplum ministris, uerbi adeoque omnibus pijs sit norma ueræ humilitatis & coniunctionis mutue.

Omnibus sanctis in Christo Iesu qui sunt Philippis.

Id est,



EPIST: AD PHIL:

Id est, fidelibus omnibus qui sunt in Christo, cuius sanctitatis, dum credunt, participes fiunt, & donati spiritu Christi, & regenerati per gratiam eiusdem spiritus piam & sanctam uitam meditantur, expectantes plenam & perfectam sanctificationem. Sancti sunt igitur fideles duplici modo, uidelicet imputatione & incoatione, nam qui credunt in Christum, ut iusticie Christi, ita et sanctitatis eius sunt participes, & quia spiritum Christi habent, sanctitati student, hoc est, se à prophanitate mudi seiungunt, accommodant se Deo, cui se offerunt in hostiam placentem Deo per Iesum Christum. in aeterna uita sancti erimus perfectione & gradibus. Philippenses, quibus scribit Apostolus, fuerunt populi Philipporum, quæ urbs est Macedonia apud Stridonem fluum, in finibus Thraciæ, à conditore Philippo, Græciæ dominatore patre Alexandri magni sic appellata.

In hac urbe Paulum fundasse Ecclesiam testantur Acta Apostolica cap. 16, ubi & flagra & poenas passus est propter pytonicum spiritum, quem de puella expulit: propter quam etiam causam Philippis discedere coactus est, ubi tamen iam uerbi Dei semen indies magis magisque radices egit, adeo ut iam pluribus Episcopis & Diaconis indigeret Ecclesia: quæ indies in sincera Pauli doctrina, & uite innocentia cre-



COMMENT: IN  
uit, nullam pseudoapostulorum corruptelam ad-  
mittens.

### Cum Episcopis & Diaconis.

Episcopi nomen Atheniensibus in usu fuit,  
& significabat magistratum, qui mittebatur ad  
ius dicendum in ea oppida, quæ sub ditione & im-  
perio erant Atheniensium. Horum munus erat,  
uidere quid in quaq; regione fieret, ut cognita ad  
reges referrent. Horum præfectura seu admini-  
stratio ἐπισκοπή dicebatur. Homerus ultimo  
Ἰλίου: Hectorem episcopum urbis Troiæ, hoc est,  
defensorem & præsidem nominat. Platoni Epi-  
scopus in genere significat inspectorem & cura-  
torem rerum agendarum. Ex hac generali signi-  
ficatione translatum est nomen ab Apostolis ad  
certam speciem, ut Episcopus sit preceps Euange-  
lij, qui diligenti cura & sedulo studio in hoc to-  
tus incumbit, ut & ipse rectè doceat Euangeli-  
um sibi concreditum, & ut alij iuxta Euangelij  
uocem piè & honestè uiuant. Nam ἐπὶ in hac  
compositione sedulitatem quandam & intentio-  
nem actionis significat.

Proinde, Episcopi Paulo fuerunt, quos hodie  
parochos, & in genere ministros uerbi appella-  
mus, id quod nō solum ex præsentī loco patet (plu-  
res enim



EPIST: AD PHILIP:

res. n. unius ciuitatis Philipporum Episcopos hic agnoscit Apostolus) uerumetiam ex 20. capite Actorum manifestum est, ubi Paulus ministros uerbi Ecclesie Ephesine, cum Presbyteros tum Episcopos uocat. Ad Timotheum quoq; & ad Titum Presbyter & Episcopus idem sunt. Verum quod nunc unus qui alijs ministris uerbi præficitur, ut eorum actiones inspiciat, Episcopus dicitur, id non scripturæ, sed hominum decreto factum est. Est fateor utilissimum ad conseruandam doctrinæ sinceritatem, & ad regendam disciplinam Ecclesie utile, unum aliquem in singulis diocæsibus siue prouincijs præficere, qui sit inspector rerum gerendarum in Ecclesia, curetq; ut omnia in Ecclesia, iuxta Pauli consilium, ordinatè & decenter fiant. Hunc siue Episcopum græca uoce, siue Inspectorem, siue Superattendentem uocaueris, proinde est.

Porro Diaconi nomen bifariam in scripturis sumitur. Aliàs enim generaliter pro quouis ministro accipitur, qua ratione Magistratus ad Roman. 13. diaconus Dei dicitur. Et Paulus ipse se Euangelij Diaconum ad Ephes. 3. appellat, qui & Christum Dominum diaconum Circumcisionis ad Roman. 15. uocat. Hac igitur ratione Diaconus ab Episcopo, ut genus à specie differt. Aliàs specialiter accipitur Diaconus, pro administrato-

B 4 re elec-



COMMENT: IN

re eleemosynarum Ecclesie, qui accipiendis & distribuendis eleemosynis præficitur. Tales illi septem fuerunt, de quibus in Actis Apostolicis capite 6. Hos quoque morum censors in primitiua Ecclesia fuisse nonnulli existimant, quos Paulus etiam ad Timotheum Presbyteros uocat. Hinc διακονεῖν pro erogatione eleemosynarum ponitur, 2. Cor. 8. & 9. Et pro administratione ad Roman. 12. interdum etiam generaliter pro quouis ministerio ponitur. Verum Diaconatus, quem postea finxerunt Pontifices Romani, nullum habet ex uerbo Dei firmamentum.

Gratia uobis & Pax à Deo Patre nostro & Domino Iesu Christo.

Familiaris Paulo salutandi hic modus est, à proprio Euangelij fructu seu effectu desumptus. Gratiae nomine fauor Dei gratuitus significatur, quemadmodum ex 1. capite ad Ephesi apparet. Pacis appellatione fructus seu effectus gratiae notatur, & complectitur quicquid ex fauore Dei nobis donatur. ut reconciliatio nostri cum Deo, salus ipsa, adque omnia prospera & bona.

PRIMA PARS.

Gratias ago Deo meo in omni memoria uestri.

Ordie



EPIST: AD PHILIP:

**O**Rdatur à gratiarum actione, quæ sane non  
solū affectus Pauli ad Philppenses signum  
euidens est, uerū etiam stimulus quidam ad per-  
seuerantiam. uirtus enim laudata crescit, hinc tria  
colligamus.

Primum, quòd exemplo Pauli oporteat pios  
Deo pro beneficijs & sibi & alijs collatis gratias  
agere. Secundum, ut nactis beneficia Dei pre-  
cemur incrementum. Tertium, ut cum Paulo  
Ecclesiæ totius, & non tantum presentium mem-  
brorum summam curam habeamus. Deum suum  
uocat, ut ostendat quod soli credentes de Deo uerè  
gloriarì possint. In omni memoria uestri, id est,  
cum summa memoria uestri. Est enim hebraismus  
ἐπὶ enim pro Beth, id est, cum, ponitur, & πᾶσιν  
pro plena, seu perfecta seu summa. Significat er-  
go Apostolus se perpetuo memorem esse Philip-  
pensium.

Huc lubet nonnulla adijcere de gratiarum  
actione, quæ Deo fit uerè & rectè.

Gratiarum actio quæ Deo fit ipsiq; pla-  
cet, est agnitio & confessio beneficiorum  
acceptorum cum summa gratitudine men-  
tis & prædicatione bonitatis Dei. Vt autem  
hec gratiarum actio sit perfecta, requiruntur  
duo: quorum unum est σιγή uirtutum, quæ ne-  
cessariò adesse debent. Alterum legitimus modus

B S agendi



COMMENT: IN

agendi gratias. *εὐχὰς* uirtutum est ueritatis  
 & iusticie copulatio, Veritas ut candidè et aper-  
 tè agnoscit benefactorem Deum, Ita excludit hy-  
 pocrisin & mendacium. Hypocrisin quidem, ut  
 non uoce & uerbis tantū, sed etiam ex animo sin-  
 cero gratias agas: Mendacium uero, ut non Deo  
 ascribas successum in rebus malis, ut si latro agat  
 gratias pro opimo spolio, aut adulter pro exopta-  
 ta uenere. Iusticia admonet te gratitudinis, hu-  
 militatis, & inuocationis. Legitimus modus  
 agendi gratias sēpè à Paulo indicatur quum ait,  
 Gratias ago per Iesum Christum, Nam cum dict,  
 per Iesum Christum, modum exponit ueræ gra-  
 tiarum actionis, in quo modo hæc ordine insunt.  
 Primum, fides in Christum, sine qua nulla potest  
 fieri uera gratiarum actio, nihil enim placet sine  
 fide. Deinde confessio, qua confiteris te Christo  
 Mediatore diuina percepisse beneficia. Tum fi-  
 ducia, qua statuas tuam gratiarum actionem pla-  
 cere propter Christum. Postremò uotum, quo ad  
 Dei gloriam profecturum exoptes quicquid ac-  
 ceperis.

(Semper in omni precatione mea  
 pro omnibus uobis cum Gaudio pre-  
 cationem faciens.)

Hæc parenthesi claudantur. Pertinent autem  
 hæc uerba cō, ut Philipenses summum Paulo pro  
 sua



EPIST: AD PHIL:

sua salute studium fuisse, intelligant: Referenda sunt igitur ad locum beneuolentiæ. Cum autem dicit, cum gaudio precationem faciens, respicit & ad præteritum tempus & ad futurum. Nam cum dicit se gaudere, intuetur faustum inceptum Philippensium. Cum autem se precationem facere pro ipsis addit, monet ne ab exhibitâ gratia deficiant, sed potius unâ precentur, ut in dies magis abundant. Vt ergo ob exhibitâ bonâ pijs letandum est, ita pro futuris impetrâdis precandum. Iam si precandum est pro bonis impetrandis, sequitur, Stoicum delirium detestandum esse, quo statuitur quod omnia eueniant necessitate fatali, adeo, ut quicquid fiat, necessario fiat, & ita tollatur contingentia. Quod si uerum esset, frustraneæ essent omnes Sanctorum preces, quibus à Deo petunt salutaria, petunt regi consilia & actiones.

Super communione uestri in Euangelio à primo die usque in hunc diem.

Ratio propositionis à uocatione Philippensium ad gratiam Euangelij, & ab eorum in eadem gratia perseuerantia. Insignis locus, qui docet non fortuito aut casu nunc huic nunc illi genti prædicari Euangelium, sed hoc fieri ex dispensatione



COMMENT: IN

tionē diuinā. Cum enim Paulus Deo gratias agit, quod Philippenses facti sint participes Euangelij, & in eo perseuerent, ipsum Deum autorem cum participationis istius, tūm perseuerantiæ agnoscit.

Hoc ipsum persuasus, quod qui incœpit in uobis opus bonum, perficiet usq; in diem Iesu Christi.

Amplificat rationem à fiducia perseuerantiæ, quæ à constantia autoris Dei petitur. Is enim cum non temerario iudicio cœpit opus, certa fiducia est, ut idem quod ex gratia incœpit, per gratiam absoluat.

Observandus sanè locus hic est, quo conscientia piorum aduersus tentationem prædestinationis stoicæ de perseuerantia in bono confirmantur. Est enim Deus in suis operibus constans, nec deserit opus suum quod incoauit. Cum ergo in Philippensibus incœpit opus bonum, scilicet prædicationem Euangelij, quo corda hominum formantur, flectuntur & diriguntur in iusticiam, perficiet scilicet ad perseuerationem cos confirmando, idq; usq; in diem Iesu Christi, hoc est, ad horam mortis cuiusq; credentium, seu, ut nonnulli interpretantur, usq; ad extremum diem, quando uenies



EPIST: AD PHIL:

do ueniet DOMINVS iudicandum uiuos &  
mortuos.

Sicuti iustum est mihi hoc ipsum  
sentire de uobis.

Ratio fiducia de perseuerantia Philippensi-  
um sumta ab honesto, piorum est enim semper de  
bene cœptis optime sperare.

Propterea quod in corde teneam  
uos cum in uinculis meis, tum in de-  
fensione & confirmatione Euange-  
lij, uos inquam omnes unâ mecum  
fuisse gratiæ meæ participes.

Hæc sententia Synthesi turbata in hunc mo-  
dum construenda est. Propterea quod habeam  
uos in corde (id est, intimo cordis affectu uos  
reputem) Esse consortes gratiæ meæ (id est,  
crucis quæ mihi ex fauore Dei imposita est, ideo-  
que eam inter gratias Dei numero. Est enim mi-  
hi imprimis honorifica) cum in uinculis meis,  
tum in defensione & confirmatione Euan-  
gelij. Interpretatio est & distributio Gratiæ.  
Nam ideo sibi crucem reputat honorificam, quia  
facit ad defensionem & confirmationem Euan-  
gelij. Hoc paradoxon obseruandum est contra  
opinio-



COMMENT: IN

opinionem hominum, qui crucem & carceres ad  
accusandum & damnandum Euangelium face-  
re arbitrantur. Obseruetur itaq; imprimis hic  
locus de persecutione Ecclesiae & piorum mini-  
strorum, uidelicet quod Spiritus sanctus eam inter  
gratias Dei numeret, tantum abest ut probrosa  
alicui uideatur. Huc facit illud Domini dictum:  
Beati estis cum maledixerint uobis, & persecuti  
uos fuerint, & dixerint omne malum aduersus  
uos mentientes, propter me.

Testis enim mihi Deus est, quam  
propense amem uos omnes in uisceribus Iesu Christi.

Iuramento confirmat se uero amore Philip-  
penses cōplecti, idq; non affectu carnis, sed in ui-  
sceribus Iesu Christi, id est, pio affectu qui ma-  
nat ex Christi miserationis gratia: Viscerum no-  
mine intimus amor significatur, qualis tenerri-  
mus ac ueluti maternus esse solet. Quod autem  
addit Iesu Christi, Discernit inter viscera natu-  
ralia, & ea, quæ sunt à Christi gratia, quæ magis  
ardent amore, eoq; sinceriore. Obseruandus  
qualis affectus esse debeat piorum ministrorum  
erga suos auditores, unde proficiatur, & quo  
tendat.

Et ille



EPIST: AD PHIL:

Et illud oro, ut caritas uestra adhuc magis & magis redundet in cognitione, & omni sensu.

Ostendit Apostolus se de constantia Philippensium gauisum esse: nunc porro orat pro perseverantia, & capita summa uitæ Christianæ attingit: Finis enim precationis Pauli præcipua Christianæ uitæ capita continet. Nam orat ut Philippenses redundant, id est, magis magisque promoueant in cognitione & omni sensu, hoc est, ut indies proficiant cum in scientia salutis tum in sensu omni, id est, experientia, qua uis doctrinæ plenè in corde sentitur. Euangelium enim non tantum requirit noticiam sui, uerum etiam sensum in corde, in affectibus, adeoque in omnibus uiribus interioribus & exterioribus. Vbi autem cognitioni Euangelij non respondet hic uiuus sensus, frustra gloriatur homo de fide Euangelij. Paulus ergo requirit cum incremento cognitionis omnem sensum, id est, plenissimum, quo cor plenissime afficiatur. Nam particula omnis non semper uniuersitatem generis significat, sed interdum ex Hebræorum idiotismo rei cui adiungitur, perfectionem quandam, ut in illo: Si omnem fidem habeam, id est, consumatissimam fidem scilicet edendi miracula. Sed de hac phrasi supra quædam diximus.

Porro



COMMENT: IN

Porro non uidetur mihi inutile fore auditoribus, si quedam huc ascripsero de modo parandi  $\gamma\upsilon\omega\sigma\iota\pi$ , hoc est, cognitionem rerum in scriptura. Nam nisi iustum modum sciuerit interpret, frustra sudat, & inutiliter aures discentium fatigat. Ad  $\gamma\upsilon\omega\sigma\iota\pi$  igitur parandam post inuocationem Dei, tria requiruntur, linguarum & phraseon cognitio, theoria ac paradosis.

Sine linguarum & phraseon cognitione non discerni possunt locutiones figuratæ à proprijs, nec propriæ à figuratis, quare opus est diligenti consideratione, ne phraseon & linguarum inscitiā impediāt  $\gamma\upsilon\omega\sigma\iota\pi$ . Proinde Grammatica diligenter discenda est ab ijs, qui feliciter interpretari scripturam uolunt.

Deinde theoria est necessaria, hac enim sententiæ similes & quæ uidentur contrariæ inter se conferuntur: hac coniunguntur latè in scripturis spersa, ut unum ueluti Systema constituent: hac, capita rerum ordinantur: hac eruuntur definitiones, instituuntur diuisiones, conciliantur antilogiæ: hac conferuntur obscura clarioribus, typi antitypis: hac exempla regulis, & regulæ exemplis accommodantur: hac particularia ad uniuersalia, & uniuersalia ad particularia reuocantur: Hac antecedentia, adiuncta, & consequentia perpen-



EPIST: AD PHIL:

perpenduntur: hac consilium scriptorium, scopus,  
& peristases conferuntur. Breuiter, Theoria  
normam Dialecticam rebus sacris tractandis tan-  
quam mensuram adhibet, singulariq; studio in hoc  
incumbit, ut interpretatio sit fidei analogia.

Paradosis, hoc est, traditio, tum demum locum  
habet, quando uel orationis genus ignoramus, uel  
theoria non possumus assequi dicti sententiam.  
tunc enim uox Ecclesie querenda est, eaq; audi-  
enda, modò analogia fidei sit, & loco congruat. De  
hac re plura uolente Deo, in priore ad Timo-  
theum dicemus.

Vt probetis quæ sint præstan-  
tiora.

Vsus seu finis cognitionis, uidelicet, ut Philipe-  
penses rectè iudicent, explorent & approbent ea  
quæ sunt præstantiora, atq; ita expectanda iudicio  
uerbi eligant, & contraria uitent. Hæc enim est  
uis uerbi δοκιμάζειν.

Vt sitis sinceri ac sine offensa in  
Diem Iesu Christi, pleni fructibus ius-  
titiæ per Iesum Christum ad gloriam  
& laudem Dei.

Sensum quo Philippenses cupit abundare, ad  
C tria



# COMMENT: IN

tria capita refert, nempe ad sinceritatem (quæ est bona conscientia coram Deo) Innocentiam uitæ, (uidelicet, ne simus ulli offendiculo.) Et plenitudinem fructuum iusticiæ, qui proficiuntur ex gratia Iesu Christi, & tendunt in laudem & gloriam Dei. Atq; ita hoc loco uera uiuendi ratio Christianis præscribitur, & simul fons omnium bonorum operum ostenditur, nimirum quod ex gratia Christi & fide in ipsum promanent ad finem proprium, qui est laus & gloria Dei. Opera igitur quæ aliunde ueniunt, aut etiam aliorum tendunt, nequaquam bona censenda sunt, qualiscunq; sit externa species. Deinde & hoc obseruandum est, quod bona opera à Paulo non definiuntur esse iusticia, sed fructus iusticiæ: Quo dicto significatur necessaria consecutio bonorum operum ad gratuitam iusticiæ imputationem. Debet igitur iusticia Christiana perpetuo, ut palma florere.

## SECUNDA PARS.

Scire uos uolo fratres, quod quæ mihi acciderunt, magis ad profectum Euangelij euenerunt.

**P**ROPOSITIO expositionis, cuius sensus hic est.  
 Meus carcer & persecutio quam hic Romæ patior hætenus cecit in profectum Euangelij,  
 hoc



EPIST: AD PHIL:

hoc est, Meus carcer fuit occasio ut latius in  
mundo spargeretur Euangelium, & feliciores  
successus habuerit: Significat enim προκοπή felici-  
tatem promotionem & successum.

Ita ut mea uincula manifesta sint  
in Christo, in toto prætorio, & reli-  
quis omnibus.

Expositio continens rationem propositionis,  
cuius hic sensus est. Euangelium occasione carce-  
ris mei innotuit aule Neronis, adeoque omnibus  
Romanis reliquis. Sciunt enim me propter Chri-  
sti negotium in carcerem coniectum esse. Est ita-  
que hic non exiguus Martyrij sanctorum fructus  
quod inde magis magisque patefiat, & innotescat  
Euangelium Christi. Dicitur autem crux mi-  
nistrorum uerbi & piorum afflictio μαρτύριον,  
quia est testimonium doctrinae, & ueluti quedam  
Euangelij obsignatio. Nam cum homines uident  
sanctos non propter crucem abijcere confessio-  
nem, cogitant eos certis niti fundamentis.

Et plerique ex fratribus in Domino  
freti uinculis meis, magis audeant im-  
pauide sermonem loqui.

Alius fructus uinculorum Pauli, quod non

C 2

pauci



COMMENT: IN

pauci qui antea timidiores erant, Pauli inuicta fortitudine animentur ad prædicandum sine timore Euangelium. Sæpè enim unius constantia multos animare solet. Huc igitur pertinent sanctorum martyria, ut non solum ministris uerbi animum addant, ad quiduis nomine Euangelij ferendum: Verumetiam ut auditoribus constantie, argumentum & liberæ confessionis calcaria esse debeant, ob has duas causas in primitiua Ecclesia memoria Martyrium celebrabatur piè, & utiliter, quæ in Papatu fœdis abominationibus est contaminata.

. Ac nonnulli quidem per inuidiam & contentionem, nonnulli uero etiam propensa uoluntate Christum prædicant.

Distributio est, qua ostendit & hunc fructum provenire ex suo carcere, uidelicet, quòd non solum boni & fideles, uerumetiam mali & infideles Euangelium prædicauerint. Mali quidem inuidia & contentionis studio incitabantur, Nam quòd plures docebant Euangelium, eò magis causa Pauli grauabatur, ut qui istius sectæ autor haberetur: Boni uerò & fideles animati exemplo Pauli, studebant ut Christi Euangelium magis innotesceret, & spargeretur per totum orbem in plurimorum salutem.



EPIST: AD PHIL:

Illi quidem per contentionem Christum annunciant, non purè, existimantes sese afflictionem addere uinculis meis: Hi uero ex caritate, scientes quòd ad defensionem Euangelij sim constitutus.

Confert utrumq; genus in causis efficientibus, & finalibus maioris declarationis gratia. Prius membrum est: qui per contentionem Christum annunciant, id faciunt non purè, id non puro affectu, nec ob uerum finem, sed ut adferant afflictionem uinculis meis, hoc est, ut magis grauent causam meam, qui propter Euangelium in carcerem coniectus sum. Nam cum Paulus tenebatur in carcere, multi prædicabant Christum, ut Neronem magis inflammarent aduersus Paulum. Fuerunt autem isti absq; dubio Iudæi, qui ad quiduis patrandum parati erant, ut Paulus è medio tolleretur. Posterius membrum est, quòd quidam, uidelicet pii uero amore Christi et Euangelij moti annunciarunt Euangelium, atq; ideo se Paulo adiunxerunt, moti exemplo constantie ipsius, qui in ipso carcere non destitit à propaganda Euangelij doctrina. Exemplum ministris uerbi, adeoq; omnibus pijs imitandum, uidelicet, ut laborantibus Ecclesiæ membris, quantum in se est, opem ferant.

C 3 Quid



COMMENT: IN

Quid igitur? Attamen quouis modo, siue prætectu siue ueritate annunciat<sup>r</sup> Christus, de hoc quoq<sup>ue</sup> gaudeo, atq<sup>ue</sup> etiam gaudebo.

Quia absurdum alicui uideri poterat, quod dixerat per malos quoq<sup>ue</sup> Euangelium annunciari, anticipat eam obiectionem, & affirmat se ideo gaudere, quod ista occasione Euangelij fama ad plures perueniat. Utitur enim Deus sæpè malis instrumentis ad boni operis effecti<sup>o</sup>nem. Sic et si Scribæ et Pharisei mali erant, nihilominus tamen illorum doctrinam ea parte, qua sincera apud eos remanserat, non paucis profuit.

Prætextus & ueritas hic opponuntur, per prætextum, studium nocendi intellige, per ueritatem, sinceritatem seu uerum animi studium ad propagandum Euangelium.

Noui enim quod hoc mihi cedat in salutem per uestram deprecationem, & subministrationem spiritus Iesu Christi.

Cur se gaudere dicat, ex eo quod Christus quouis modo prædicetur, ostendit. Sensus autem uerborum Pauli hic est. Ut ut isti inuidi & contentiosi omnia in meam perniciem machinantur, tamen Christus per me glorificabitur sparsa eius

Euang<sup>elium</sup>



EPIST: AD PHILIP:

Euangelio latè per orbem: quo sanè gloria nulla maior in hac uita mihi contingere potest. Obseruetur autem imprimis, quod Apostolus hoc non dicat fretus suis uiribus, sed deprecatione Philippensium et subministratione, spiritus Christi, qui in cruce & uires addit, & consolatur, Hic rursus necessitatem Stoicam euersam uidemus.

Secundum expectationem et spem meam, quod nulla in re pudefiam, sed cum omni libertate, ut semper, ita nunc quoque magnificabitur Christus in corpore meo, siue per uitam siue per mortem.

Vt certam et immotam spem se habere, doceat duabus uocibus idem in genere significantibus, uertitur. Prior est ἀπεκράδονία, quam interpres expectationem uertit, & componitur ab ἀπε, id est, à, κράς, id est, caput, & δονειν, annuere, Perinde ac si caput totum uergat, & inclinet in id, quod firmiter & certo speratur. Quasi dicat Apostolus, Spero equidem certo & sine omni hesitatione. ut quemadmodum hactenus, sic & post hac per me Christus glorificetur. Monemur hoc loco, non omnia alienis precibus esse relinquenda, quin etiam sperandum per nos erit quod cupimus, & ardentibus uotis deprecandum, Sic enim

C 4 scri



COMMENT: IN

scriptum est: Fiat misericordia tua super nos, quemadmodum sperauimus in te. Vehementer igitur isti errant, qui publicas pro se preces fieri mandant, ac interim ipsi uiuunt sine poenitentia securi, omnibus libidimibus & furoribus indulgentes, qua ratione sibi & suis maius exitium accersunt.

Mihi enim uiuere Christus & mori lucrum est.

Probat proximum dictum, nimirum quod Christus magnificabitur in suo corpore, siue per mortem siue per uitam. Est autem huius probationis sensus, siue uiuam, siue moriar, Christus meum est lucrum, quo fretus securus sum & in uita & in morte. Nam uiuere & mori hic ponuntur nominaliter, quod articulus praefixus to indicat, & subintelligitur *ut* praepositio, ut sit sensus. Quando uiuo, Christus est meum lucrum, & quando morior, idem Christus est meum lucrum. Quare mihi perinde est, siue uiuam diutius, siue moriar. Quid lucrum appellet Apostolus, ex praecedentibus notum est, nempe gloriam Christi, quae cum Apostoli commodo est coniuncta. Hic locus docet, qualisnam fiducia piorum esse debeat, cum in uita tum in morte. Non enim frangi metu mortis potest is, qui serio & uiua fiducia Christum uictorem mortis, suum lucrum esse statuit,



EPIST: AD PHILIP:

tuit, eumq; solum omnibus & lucris & damnis  
anteponit.

An autem uiuere in carne hoc mihi  
fructus operis sit, & quid eligam  
ignoro.

Deliberationem instituit per digressionem.  
Vtrum ne uiuere aut mori sit utilius, utrumq;  
enim utile & honestum in Domino. Causa huius  
deliberationis est. Quod maior fructus ex uita  
Pauli, quam ex morte ipsius prouenire uideatur.  
Nam dum uiuit, inter homines se propagare Eu-  
angelium Christi (quod uberrimum fructum sue  
uite, indicat) uidet. En, pij pectoris ingenium.  
Ei per an reddidi, Ita enim solet in subiectionibus  
accipi. In carne uiuere hoc loco, est in hoc ca-  
duco corpore uitam degere. TOTO, id est, hoc,  
abundat ex idiotismo Hebræorum, qui sæpius  
antecedens repetunt. Fructus operis, id est,  
opere precium, nempe res utilis & fructuosa, dig-  
na in qua aliquis operam ponat.

Coarctor autem ex his duobus,  
desiderium habens, migrare & esse  
cum Christo.

Vtriusq; partis deliberationis causis se moue-  
ri dicit Apostolus. Mori quidem optandum iudi-

C 5 cat,



COMMENT: IN

cat, propterea quòd mors piorum sit accessus ad  
fruitionem gloriæ Christi. Viuere uero optan-  
dum iudicat, propter salutem Ecclesiæ promo-  
uendam sua prædicatione: Vocabulum ἀναλῦ-  
σαι, quod migrare reddidi, à nautis sumtum est  
qui profecturi soluere dicuntur. Sic etiam accipi-  
tur hoc uocabulum Luc. 12. Et in specie significat  
redire cò unde quis uenerat.

Sed permanere in carne magis ne-  
cessarium est propter uos.

Alterius partis deliberationis ratio ab utili, ac  
si dicat: Si uos respicio, & uestrum in Euangelio  
profectum, satius est me in carne manere, hoc est,  
in hoc caduco corpore uitam aliquamdiu degere.

Ex utroq; deliberationis membro hæc disca-  
mus.

Primum, quòd mors sit non interitus piorum,  
sed migratio animæ à corpore ad tempus.

Deinde, quòd animæ piorum non dormiant,  
sed Christi conspectu in cœlis fruuntur.

Tertiò, quòd tota nostra uita debeat sibi pro-  
ponere Christi gloriam, ac ædificationem Eccle-  
siæ Christi.

Quarto, quòd Christiani non debeant mortem  
expauescere, sed in Christo statuere mortem esse  
aditum ad meliorem statum, quàm sit hic præsens.

Et hoc



EPIST: AD PHIL:

Et hoc confisus noui quòd mansurus sim, & unà permanens cum uobis omnibus ad uestrum profectum & gaudium fidei, ut gloriatio uestra abundet in Christo Iesu de me, mea rursus apud uos præsentia.

Finem sui uoti addit Apostolus, nimirum profectum Philippensium & gaudium fidei, quod ex prædicatione Euangelij percipiant fideles. Obseruetur fructus profectus in cognitione Euangelij, uidelicet quòd quò magis proficimus in fide ex prædicatione Euangelij, eò maius reddatur gaudium piorum, quod ex fide proficiscitur, & abundantior fiat gloriatio in Christo. Hic sanè fructus uberrimus & dulcissimus, merito nos excitare ad audiendum, legendum, meditandum uerbum deberet.

TERTIA PARS.

Tantum dignè Euangelio Christi conuersamini, ut siue uenero & uidero uos, siue absens fuero, audiam de rebus uestris, quod stetis in uno spiritu, uno pariter animo decertantes per fidem Euangelij.

PRO-



COMMENT: IN

**P**ropositio suasoria, eaq; generalis, quam mox in duo caput distribuit Apostolus: quorum Prius est, ut Philippenses in negotio Euangelij fortiter se gerant, ut spirituales athletas decet. Posterius continet mutua officia piorum, ut mores respondeant Euangelio. Prius caput persequitur usq; ad finem presentis capituli. Posterius aggreditur in principio secundi, quod copiosa enumeratione prosequitur.

Est autem digne Euangelio uiuere, respondere dignitati Euangelij, fidei puritate & morum innocentia, seu, Est Euangelicam doctrinam firmo corde complecti, ac deinde sibi ipsi renunciare, sublataq; cruce Christi eum sequi in pietate, patientia, modestia, iusticia & alijs uirtutibus. Ex quo manifestè sequitur, eos omnes Euangelium contumelia afficere, qui secus uiuunt, quam Euangelij dignitas requirit, ut qui fidem iurant sine uiuo cordis sensu, sine poenitentia & pietatis exercitijs propter quos nomen Dei apud hostes Euangelij malè audit. Stare in uno spiritu, est persistere in sinceritate doctrinae concordēs, cuius rei autor est Spiritus sanctus. Est ergo Metonymia. Standi etenim uerbum athletic conuenit, à quibus sumpta est translatio.

Vt igitur hoc loco perstringuntur nouatores, qui semper aliquid comminiscuntur, non tam ad  
edifica-



EPIST: AD PHIL:

edificationem quam ad inanem iactantiam, rixas  
 & disceptationes : Ita uerè pijs commendatur  
 constantia, ne quouis uento doctrine fluctuent.  
 & imstar arundinis facile huc illuc impellantur.  
 Vno pariter animo decertare per fidem Eu-  
 angelij : est fide tanquam tutissimo scuto muni-  
 tos, pariter in aciem prodire, hostisque se op-  
 ponere.

Hic duo obseruanda sunt : Primum, qui nam  
 sint hostes Euangelij, qualesq; eorum artes quibus  
 Euangelium oppugnant. Deinde, quomodo se  
 hostibus opponant fideles, & in qua re posita sit  
 uictoria. Hostes sunt Satan, Caro, Mundus.  
 Satan nunc doctrine, nunc uite piorum insidia-  
 tur, idq; partim sophistica, partim tyrannide,  
 partim hypocrisi. Caro nunc acumine rationis  
 se Euangelio opponit, nunc blanditijs inescare in-  
 cautos conatur. Mundus nunc blanditur, nunc  
 minatur, nunc exemplis pessimis ueluti inuadit  
 castra Ecclesie ad obruendum Euangelium. Con-  
 tra hos hostes pij stabunt in acie, armis spiritali-  
 bus armati, & scuto fidei omnium hostium tela  
 excipient. Plura de hac pugna & panoplia fide-  
 lium uide ad Ephes. 6. & 1. Thes. 5.

Nec in ulla re terreamini ab ijs qui  
 se opponunt,

Vult Apostolus contemni pericula & minas  
 hostia



COMMENT: IN

hostium uel potentissimorum, quod sanè nemo facere potest, nisi qui uera fide munitus fuerit. huc illud Iohan: Hæc est uictoria quæ uincit mundum, fides uestra.

Quod illis quidem est exitij iudicium, uobis uero salutis, idq; à Deo.

Ratio cur terreri aut consternari animis non debeant pij in lucta aduersus hostes suos, sumta ab euentu. Nam ut rabies aduersariorum contra Euangelium est ipsis iudicium future damnationis & exitij: Ita piji & fidelibus apertum & planum est salutis testimonium, quod fortiter pro Euangelio contra eius aduersarios militent.

Sed unde hoc? à Deo, respondet Apostolus. Reuocat autem Apostolus uictoriam ad Deum autorem, duabus de causis: uidelicet ne animo concidant fideles, si quid ferendum sit pro Euangelio, & ne insolescant aut efferantur, ac si aliquid propria uirtute efficere possent. Versio uetus, Papistis occasionem erroris præbuit, qui afflictiones Sanctorum merita salutis faciunt. Quia enim in ueteri translatione uocabulum cause ponitur, ubi in Græco est ἐνδεξις, id est, ad uerbum iudicatio, seu iudicium uel demonstratio, arripiunt hoc Pauli dictum, ut eo oppugnent gratuitam salutem, cum tamen Paulus non de causa salutis loquitur,



EPIST: AD PHIL:

tur, sed de iudicio tantum. Nam ut significat rati-  
onem aduersariorum magnum argumentum esse  
future damnationis illorum: Ita constantiam pio-  
rum & luctam aduersus hostes, future eorum sa-  
lutis demonstrationem seu iudicium prænunciat.

Quoniam uobis donatum est,  
quantum ad Christum attinet, non so-  
lum in ipsum credere, sed etiam pro  
ipso pati.

Expositio rationis præcedentis per distribu-  
tionem. Refert enim inter gratias Dei, & cre-  
dere in Christum, & pati pro Euangelio. Nam ut  
animalis homo non percipit ea quæ sunt Spiritus  
Dei: Ita nec credere nec pati uera & inuicta ani-  
mi fortitudine pro Euangelio potest. Obseruetur  
hic locus contra Papistas, qui fingunt liberi arbi-  
trij esse, credere & non credere, pati pro Euan-  
gelio & non pati. Sed de hac re plura in capite  
Secundo dicemus.

Idem certamen habentes, quale uis-  
distis in me, & nunc auditis in me.

Proponit se exemplum & speculum fortitu-  
dinis, qua obsistere pios aduersarios decet, ne ui-  
delicet cruce frangantur, & abijciant confesio-  
nem



COMMENT: IN

nem propter acerbitatem afflictionum. Locus  
obseruetur de ministris uerbi, quorum munus est  
exempla doctrinae moribus exprimere, ut quem-  
admodum ex ore ipsorum ueritatem discunt au-  
ditores, Ita ex moribus recte uiuendi regulam su-  
mant. Nam cum perfectissimus modus docendi  
constet regula & exemplo, quod enim regula  
menti offertur, id exemplo sensibus representa-  
tur, is pastor optime suo fungitur officio, qui  
quod ore doceat, moribus exprimit.

CAPVT SECVN-  
DVM.

SVMMA CAPITIS  
SECVNDI.

**M**ultis argumentis hortatur Philippenses ad  
concordiam, humilitatem & constantiam,  
promittit Apostolus se missurum Timotheum &  
Epaphroditum, quos illis singulariter commen-  
dat.

ORDO ET PARTES CA-  
PITIS SECVNDI.

**P**artes huius capituli duae sunt praecipuae. Prior  
Parænetica est, in qua hortatur Philippenses  
ad uirtutes Christiana professione dignas. In hu-



EPIST: AD PHIL:

ius loci confirmatione explicat copiose locum de humiliatione & glorificatione Christi. Posterior est commendatio, in qua Philppensibus commendat Timotheum & Epaphroditum.

EXEGESIS SECVNDI CAPITIS  
CVM OBSERVATIONE  
DOCTRINARVM.

Si qua igitur exhortatio in Christo, si quod solatium caritatis, si qua communio spiritus, si qua viscera & miserationes, implete gaudium meum.

AD mutua inter Christianos officia exhortaturus Philppenses, omnium primum ad concordiam hortatur, quæ fons est reliquorum officiorum & uirtutum. Insinuat autem hac uehementi & Pathetica obsecratione inter Philppenses cœpisse dissidia & contentiones, proculdubio per insidias Pseudoapostolorum, quod ex tertio capite colligi potest, ubi ita ait: Cauete canes, cauete concisionem.

Si qua, inquit, exhortatio est in Christo, id est, si qua exhortatio nomine Christi facta apud uos locum habeat. Si quod solatium caritatis, hoc est, si caritas communis aliquid solatiij  
D adferat.



COMMENT: IN

adferat. Si qua communio Spiritus, id est, si  
eiusdem Spiritus Christi participes sitis. Si qua  
uiscera & miserationes, id est, si tangamini ul-  
lo misericordie, cum erga uos inuicem & Eccle-  
siam Christi, tum etiam erga me affectu. Ex hisce  
quatuor infert propositionem, Implete gau-  
dium meum. Hic omnium primum obserua-  
mus ex antithesi, eos omnes spernere exhortatio-  
nes nomine Christi factas, caritatem fraternam  
contemnere, Spiritum sanctum abijcere, adeoq;  
omnem affectum erga pios deponere, qui mutue  
in Ecclesia concordie, quæ est ministrorum uer-  
bi haud minimum gaudium, non student. De con-  
cordia copiose diximus in commentarijs nostris in  
Epistolam ad Galatas.

Vt idem sentiatis.

Expositio seu definitio est gaudij Apostoli. In  
Græco est  $\Phi\rho\rho\upsilon\epsilon\tau\epsilon$ , quod uerbum generale est,  
continens sub se omnes animorum actiones. Vult  
igitur Paulus, ut eodem sint Philippenses erga se  
inuicem animo & studio, ut idem in ædificatio-  
nem cogitent, sapiant, meditentur, studeant, ament  
&c. Notetur quodnam potissimum ministrorum  
uerbi atq; adeo omnium piorum gaudium esse de-  
beat, nimirum pia in pijs & honestis rebus con-  
sensus, & animorum coniunctio; unde postea plu-  
rimi



EPIST: AD PHIL:

rimmi & uberrimi in tota uita fructus sequuntur.  
Moueat ergo nos magis hæc spiritus sancti seria  
exhortatio, quàm uicioſæ carnis & cœcæ ratio-  
nis peruerſum iudicium.

Eandem dilectionem habentes.

Propositionis distributio eſt, qua quid per  
uerbum φρονησθαι intelligat, exponit, ac primum,  
idq; merito dilectionem collocat, quam uult eſſe  
eandem, id eſt, parem modo dilectionis.

Vnanimēs.

Caritatis effectus eſt unanimitas, qua con-  
ſentientibus animis & ſententijs, coniunctiſq;  
uiribus nos inuicem foueamus ac ædificamus in  
bono.

Vnum ſentientes.

Effectus eſt unanimitatis. Vbi enim unus ani-  
mus, ibi quoq; unum ſtudium exiſtit. Cum igi-  
tur uno animo (non quidem ſubſtantia, ſed uolun-  
tate & affectu) coniunctos eſſe deceat Chriſtia-  
nos, par eſt, ut non ſolum mutuis officijs ex ca-  
ritate manantibus ſe inuicem foueant, uerùm eti-  
am ut in doctrina religionis ſummum tuean-  
tur conſenſum, Huc Pſalmus pertinet, Ecce  
D 2 quàm



COMMENT: IN

quàm bonum & quàm iucundum, habitare fratres in unum.

Nihil ex contentione aut inani gloria.

Amplificat per Antithesin, & sublatam uult discordiæ originem & concordiae pestem, quæ est contentionis studium: quod ex inani ambitione nascitur. Obseruetur uerum inanis gloriæ indicium & concordiae pestem esse rixandi libidinem. Quare summopere pijs contentiones sunt uitandæ, modo, ne cum pietatis & ueræ doctrinæ sinceræq; iniuria fiat. Tum enim cum Paulo licebit dicere: Qui aliud Euangelium prædicauerit, quàm ego, anathema sit.

Sed per humilitatem alijs alios existimate præstantiores.

Causam proximam mutue concordiae facit ueram humilitatem, qua quis uilis in oculis suis apparens, nihil altum de se cogitat: sed alios præ se honorandos iudicat, ut excellentiores. Quod quidem no ad statum æconomicum & politicum, & officiorum discrimina referendum est, sed ad animi et consciëntiæ forum, ubi quilibet prostratus  
coram



EPIST: AD PHIL:

coram Deo agnoscit propriam infirmitatem & utilitatem, agnoscit magnitudinem peccati sui. Hæc cognitio faciliè efficiet, ut neminem non meliorem se iudicet, is cui pietas est cordi.

DE HUMILITATE  
Christiana.

**Q** Vos Paulus humiles, hos Christus pauperes spiritu nominat. Sunt proinde uerè humiles coram Deo, qui omni propriæ uirtutis, sapientiæ & iusticiæ fiducia exinaniti, quicquid boni est, in solo Deo quærunt. Quare humilitas Christiana coram Deo est uirtus, qua ex uerissimâ nostri cognitione nobis ipsi uilescimus, omnique propriæ uirtutis, sapientiæ & iusticiæ, fiducia exinaniti nos coram Deo prosternimus, ac in eo solo omnia bona per CHRISTVM quærimus. Ex hac humilitate coram Deo nascitur humilitas coram hominibus, quæ in uera dilectione fundatur. Hæc facit ut nos nemini præferamus superbè, sed omnibus sincerè nos accomodemus. Quoniam autem hæc Humilitas, qua nos uel coram Deo prosternimus, uel nos proximo subijcimus, non nascitur in carne nostra. Quærenda est ipsius uera scaturigo, quæ est regeneratio no-



COMMENT: IN

stri per fidem & Spiritum sanctum, priusquam enim renascimur, *Ελαυτία* in nobis regnat, & inanis gloriæ cupiditas, Verum in renatis incoatur uera humilitas, quæ cognitione harum rerum crescit & perficitur tandem.

Primum cogitabimus mandatum Dei esse, ut simus humiles, huc primum præceptum facit, & mandatum de dilectione proximi, qui contra hæc præcepta superbit, Deum offendit, excutit Spiritum sanctum, & incurrit in poenas.

Deinde proponemus nobis exemplum Christi, ad quod Paulus hic nos reuocat, cū dicit, Christum cum posset se in maiestate gloriosa ut Deum exhibere, se pusillum hominem in omni humilitate exhibuisse, ad hoc suum exemplum inuitat Christus suos discipulos, cum inquit: Discite à me, quia mitis sum, & humilis corde. Quis, inquit Bernhardus, sane mentis contemnit humiliari propter tam humiliatum pro nobis?

Tertio loco considerabimus nos ipsos penitus, quid fuerimus ante ortum, quid ab ortu, ad occasum, quid erimus post hanc uitam. Fuimus semen & sanguis in utero. Iam in deserto miseriarum huius uitæ sumus, peccatis multis contaminati. Erimus aliquando esca uermium & puluis, ut Abraham se puluerem agnoscit. Huc pulcrè quadrant uersus isti:

Hen



EPIST: AD PHILIP:

Heu cur usq; adeo uilissima terra superbit,  
Cuius foeda breui corrodent uiscera uermes.

Quarto cogitabimus, Si quæ bona habemus,  
non nostra esse, sed Dei, in aliorum commodum  
nobis collata, ut illa tanquam Oeconomi Dei di-  
spensemus.

Quinto cogitabimus, Deum qui dedit, posse  
etiam auferre quæ dedit, si ijs abutamur.

Sexto ueniet etiam nobis in mentem, quod alij  
qui minora dona uidentur habere, quam nos, sæpe  
plus operæ præstent, & utiliores sunt Ecclesiæ.

Septimo accedat quotidiana in exercitijs pie-  
tatis assuesfactio, unde non solum humilitas, uerum-  
etiam aliæ uirtutes crescunt, & ueluti adole-  
scunt.

Octauo de multiplici ueræ humilitatis fructu  
cogitabimus, nam siue Deum respicimus, siue nos  
ad homines conuertimus, siue nos ipsos considera-  
mus, mirabilis humilitatis fructus est uidere. nam  
si Deum respicimus, præparat humilitas Deo ho-  
spitium, iuxta hanc Propheticam sententiam, In  
sancto habitat, & cum contrito & humili spiri-  
tu. Item, Ad quem respiciam, nisi ad contritum  
spiritu & trementem ad sermones meos?

Hunc enim iuxta Christi dictum exaltat De-  
us, cum interea superbis ἀντιτάσσεται, ut Petrus  
loquitur. Si ad homines nos conuertimus, honora-



COMMENT: IN

tur humilis, cum contra contemnitur superbus.  
nam nemo non odit superbum tanquam manci-  
pium Satanae & hostem Dei, & contemptorem  
hominum. Si nos ipsos consideramus, dulcissi-  
mos humilitatis fructus percipiemus. Primum  
enim humilitas uera est mater pudicitiae & pati-  
entiae, Deinde ad sapientiam parandam uiam  
sternit, iuxta illud Salomonis, Vbi est humilitas,  
ibi & sapientia. Adhuc humilitas pia est custos  
fidei & timoris Dei. Est quoque inuocationis cau-  
sa quaedam, & ueluti quaedam exauditionis con-  
ciliatrix in Domino, ut in Psalmo habetur, Re-  
spexit Dominus ad orationem humilium, prae-  
terea ueram humilitatem comitatur gloria. Matth.  
5. Beati pauperes spiritu, quoniam ipsorum est  
regnum coelorum. Et 24. Qui se humiliauerit,  
exaltabitur. Huc illud Augustini, Sicuti arbor  
ut sursum crescat, profundas subius radices agere  
debet: ita quisquis in humilitate fixum animum  
non habeat, in ruinam suam extollitur. Insuper  
humilitas illa, de qua nobis est sermo, Est orna-  
tus animae pulcerrimus, unde Petrus in prioris  
quinto, ταπεινοφροσύνῳ ἐγκομίσασθε, hoc  
est, induite tanquam uestem, seu humilitate intus  
ornati sitis. Haec sint dicta de humilitate con-  
tra superbiam, quam & uetus Poeta damnat, cum  
ait, μὴ γαυρῶ σοφίῃ μὴτ' ἄλλῃ μὴτ' ἐνὶ πλῆ-  
τῳ.

Non



EPIST: AD PHILIP:

Non consideretis quisque quod suum est, sed unusquisque etiam quæ sunt aliorum,

Id est, quilibet consulat commodis proximi sui in ædificationem. Quod ubi fit, nec contentio, nec inanis gloria locum habere potest. Hic cauendum est, ne hanc utilissimam uirtutem cum turpissimo πλυπραγμοσύνης studio confundamus. Illa enim sancta quedam cura est, qua quisque proximi studiis perinde atque suis studet. Hec profana temeritas est, qua quis nunc aliena munera inuadit, nunc alios calumniandi studio obseruat. De hac rectè dicitur, τῆς πλυπραγμοσύνης οὐδὲν χρεώτορον ἄλλο.

Hoc enim sentiatur in uobis quod & in Christo Iesu,

Maximum exemplum imitandum proponit, nempe Iesu Christi. Est autem hic uerborum sensus, ut inter se eum affectum seruent Philippen- ses, quo fuit præditus Iesus Christus. Sentiatur, imperatiuum est uerbum, quod in nomen resolui potest, hoc modo, Hæc sit uestra sententia, quæ Christi sententia fuit. Seu, Hic sit affectus in uobis, qui fuit in Christo Iesu, nempe summa humilitas.

D 5 Qui



COMMENT: IN

Qui cum esset in forma Dei, non duxit rapinam parem esse cum Deo, sed ipse se inaniuit forma serui sumpta, in similitudine hominum factus, & habitu compertus ut homo, humiliavit seipsum, factus obediens usque ad mortem, mortem autem crucis, Quapropter etiam Deus ipsum exaltauit, & donauit ei nomen quod est supra omne nomen, ut in nomine Iesu omne genu se flectat, coelestium, terrestrium, & infernorum, omnisque lingua confiteatur quod Dominus sit Christus Iesus ad gloriam Dei Patris.

Exponit Apostolus & definit qualis fuerit affectus in Christo, unde occasionem nactus, copiosam doctrinam tradit, de Christi diuinitate, potentia, humanitate, persona, beneficijs, morte, resurrectione, glorificatione ac regio honore. Hae doctrinae partes cum sint Christianismi praecipua capita, uolo eas breuiter in enarratione attingere, Ac primum quidem dicit.

Qui cum esset in forma Dei.

Hae diuinitatis Christi assertio est. Esse autem in forma Dei, est maiestate & gloria se Deum uerum declarare, id quod fecit Dominus etiam ante assum-



EPIST: AD PHIL:

assumptam formam serui, ut hic Paulus manifestè loquitur. Nam discernit inter tempus maiestatis & inanitionis seu humiliationis, quo formam serui assumpsit. Ideo autem & formæ Dei & formæ serui meminit, ut Christi affectus expressus proponatur, qui neglecta maiestatis gloria se ita submisit, ut noster fieret seruus, humana natura assumpta in unionem hypostaticam.

Obseruetur igitur hoc loco testimonium de diuinitate Christi, Firma est enim à maiestatis & gloriæ declaratione ad essentiam consequentia. Ita enim Dominus per Prophetam ait: Gloriam meam alteri non dabo. & uerbum ὑπάρχων significat cum diuinitatis declaratione simul adesse essentiam. Rectè igitur Augustinus in Formæ nomine naturalis plenitudo debet intelligi, sequitur,

Non rapinam arbitratus est, esse æqualem Deo.

Homines superbi, atq; adeò Diabolus ipse, interdum sibi assumunt diuinos honores, cum tamen sciant se nequaquam Deos esse. At Iesus Christus certo sciuit, quod esset æqualis Deo, & quòd diuinum honorem uendicaret sibi sine iniuria Dei. Rapina res aliena est, quæ per iniuriam possidetur. Significat Apostolus hac uoce, Christum non sumpsisse aliunde diuinitatis gloriam, sed uerè & sub



COMMENT: IN

Et substantialiter Deum esse. Non rapina fuit, inquit Augustinus, illa filij cum patre diuinitatis æqualitas, sed natura. Non enim potuit esse rapina, ubi æqualis erat natura, hæc itaq; Christi humiliatio homines arrogantes humiliet, qui cum ipsi nihil sint, superbe tamen sibi arrogant honores, ac si alijs meliores essent: quod quidem rapinæ genus est. Porro quia æqualitas in unam personam non cadit, significat Apostolus hac uoce Iesum Christum æternum Deum esse, distinctam tamen à Patre personam, ὁμοῦς τοῦ Patri Et Spiritui sancto. Ut igitur æqualitas personarum distinctionem ostendit: Ita quoq; Arianos confutat, qui hunc Iesum Christum secundum naturam diuinam Patre minorem, hoc est, inæqualem esse iudicarunt.

Sed inaniuit semetipsum forma serui sumta.

Humiliatio Iesu Christi uoluntaria hisce uerbis describitur. Nam cum dicitur, inaniuit seipsum, significatur spontanea submissio. Qualis autem sit hæc inanitio seu humiliatio filij, in sequenti textu exponitur per distributionem. Forma serui est qua Filius Dei reuera seruilem conditionem in se recepit cum natura humana. Nam non solum Patris cœlestis, sed etiam hominum factus est seruus, nō quidem coactione, ut dictum est, sed spontanea uoluntate. Etsi autem omnes credentes serui



EPIST: AD PHIL:

serui sunt Dei, ut qui ea conditione adoptentur, ut se & totam uitam Deo in obsequium addicant: Christus tamen peculiari modo, seruus Dei dicitur, uidelicet, quod Deus Pater ipsum emisericorditer ad opus eximium quoddam, quod cum cæteris commune non habet.

Obseruetur hoc loco Antithesis in uerbis Pauli, supra dixit, in forma Dei existens, hic uero formam serui assumens, qua antithesi significatur, quod forma Dei ipsi per naturam & essentiam competat, & quod forma serui tantum sit assumpta ab illo in unionem personalem, atq; ita qui Rex Regum, & Dominus Dominantium natura est, seruilem conditionem suscepit, assumpta natura humana, ut sua seruitute genus humanum à perpetua peccati seruitute & miseria redimeret.

In similitudine hominum factus.

Hoc est, similis factus alijs hominibus, ut qui ueram naturam humanam assumeret.

Et habitu compertus ut homo.

Interpretatio est à signo. Confirmat enim Christum uerè assumpsisse humanam naturam, idq; à proprietatibus humane nature, quæ ab ea separari non possunt. In omnibus enim, exempto peccato, se gessit ut uerus & naturalis homo, creuit, comedit,



COMMENT: IN

medit, bibit, dormiuit, fatigatus est, fleuit, tristatus est. Breuiter, Humanæ naturæ proprietatibus se uerum hominem declarauit. Hoc loco perperam abusi sunt Morcionistæ, qui hinc colligebant, corpus Christi esse spectrum, seu phantasma, & non uerum corpus, sed facile istud delirium refutatur. Nam Paulus hic similitudinem non separat à natura, nec particula, ut, improprietas nota est, sed potius ueræ & solidæ approbationis, sicuti sæpè aliàs. Præterea scopus Apostoli hic est, ut doceat qualiter se gesserit Christus humana natura assumpta. Ostendit enim ipsum cum posset se in maiestate gloriosa, ut Deum exhibere, se hominem in omni humilitate exhibuisse. Nam Philipenses hoc loco ad humilitatem hortatur Apostolus, cuius rei gratia, ut dictum est, Christi exemplum adducit, affirmans ipsum, cum in forma Dei esset, exinaniuisse seipsum, forma serui assumpta, id est, humana natura cum omnibus suis naturalibus proprietatibus, sed sine peccato: quod non est à natura, sed aliunde, nempe ab inobedientia primorum parentum, pro qua ut satisfaceret, subiit crucem, ut sequitur.

Humiliauit semetipsum, factus obediens usque ad mortem, mortem autem crucis.

Hoc est, in humanitate seu secundum humanam



EPIST: AD PHIL:

nam naturam usq; adeò se humiliavit, quod detestandi patibuli (quod fontibus tantum & maleficis debeatur) supplicia subire uoluerit, ut genus humanum repararet. Vis itaq; argumenti presentis hæc est: Cum Christus Dominus ita se humiliaret propter nos, ut crucis horrendum supplicium subiret, decet profecto nos humiliari, qui natura miseri & caduci sumus: Decet ut nobis inuicem in omni humilitate seruiamus. Quamquam autem iuxta diuinam naturam pati non potuit Christus, tamen humiliatio ipsa & crux personæ fuit quæ est Deus & homo. Quare merito Philippensibus atq; adeò omnibus Christianis hoc summum humilitatis exemplum ab Apostolo proponitur: quæ sanè humiliatio non est perpetua, sed habet felicem exitum, ut etiam in Christo uideamus, quemadmodum sequitur:

Quapropter etiam Deus ipsum exaltauit, & dedit ei nomen, quod est supra omne nomen.

Hoc addit, ut proposito præmio Philippenses ad humilitatem inuitet. Si etenim ipsum in uera humilitate fuerimus imitati, poterimus eiusdem merito sperare, ut cum ipso exaltemur, iuxta illud Pauli ad Romanos: Compatimur cum illo, ut etiam

am



COMMENT: IN  
am glorificemur. Et illud Christi, Qui se humiliat, exaltabitur.

Quamquam autem secundum diuinitatem nec exaltari, aut maiorem dignitatem consequi potuit Filius Dei, semper Patri æqualis, quàm eam, quàm semper cum Patre habet: Nec secundum humanitatem diuina gloria illi competit. Scriptum est enim, Gloriam meam alteri non dabo: tamen ratione exinanitionis & humiliationis, quæ fuit personæ, hæc rectè dicuntur. Porro quod additur:

Vt in nomine IESV omne genu se flectat.

Periphrasis est, qua diuina maiestas, dignitas & gloria circumscribitur, Sensus ergo est: Vt omnia creata Christum ut Dominum uenerentur, ac sese illi submittant, diuinam ipsius agnoscentia maiestatem. Huc pertinet distributio quæ sequitur:

Cœlestium, terrestrium, & infernorum.

Nihil enim uult aliud Apostolus hac distributione, quam nullam creaturam excipi, quæ non Christi



EPIST: AD PHILIP.

Christum superiorem agnoscat, Verum cum Pa-  
pistæ ex tertio distributionis membro purgatori-  
um fabricant, ualde debili fundamento nituntur.  
Ex hoc enim loco in hunc modum colligunt: In-  
flectunt genua Christo, quod de diabolo dici non  
potest. Igitur sunt animæ in purgatorio quæ  
Christo hunc cultum præstant apud inferos. Re-  
spondeo. Paulus hic loquitur nõ de cultu simplici-  
ter, sed de subiectione in genere, & agnitione ma-  
iestatis Christi & gloriæ, à qua agnitione nequa-  
quam eximuntur damnati. Imò ipsi Diaboli Chri-  
stum agnoscunt, ut uel ad nomen Iesu contremis-  
cant. geniculatio igitur hæc non cultus, sed subie-  
ctionis est, significatur enim sistio diabolorum  
ad tribunal Christi, cum trepidatione, ut Paulus  
hanc geniculationem interpretatur, Roman: 14.  
omnes sistemur ad tribunal Christi, scriptum est  
enim, uiuo ego mihi flectitur omne genu: Male igi-  
tur architecti purgatorij hunc locum ad suam fa-  
bricationem torquent, ut interim taceam nihil sa-  
ni esse in doctrina de purgatorio, quemadmodum  
duabus firmissimis demonstrationibus ostendam,  
Definiunt Monachi purgatorium esse satisfactio-  
nem, quæ post mortem à defunctorum animabus  
pro peccatis penditur in igne purgatorij. Hac  
cum definitione pugnat uictima Christi qua sola  
expiatur peccatum. Ita enim ait Iohannes. San-  
guis Iesu Christi emundat nos ab omni peccato.

E

Proinde



COMMENT: IN

Proinde cum satisfactio solius Christi sit, sequitur sententiam Papistarum contumeliosam erga Filium Dei esse, qui alium satisfaciendi modum querunt quam Christi sanguinem: quo intelligitur crucis obedientia, deinde obijcio Papistis hoc dilemma: Omnes homines uel in fide discedunt uel sine fide. Si in fide, de morte corporum transeunt ad uitam animæ. Iohan. 5. Qui credit illi qui misit in iudicium non ueniet. Sed transiuit de morte ad uitam, est enim finis fidei salus animarum, 1. Pet: 1. Reportantes finem fidei uestræ salutem animarum uestrarum. Si sine fide discedunt, ex hac uita, ira Dei manet super eos. Iohan. 3. Cum igitur nec fidelis nec infidelis purgatur igni infernali, friuolum est commentum Papistarum de Purgatorio, cuius tamen prætextu multorum possessiones ad se fraudulenter transtulerunt. Hanc interpretationem confirmant etiam ea quæ sequuntur.

Confiteaturq; omnis lingua, quod Dominus sit Iesus Christus, idq; in gloriam Patris.

Id est, finis imperij Christi gloria Dei Patris est, qui ex hoc glorificabitur quod suis æternam uitam per Christum dederit, & hostes per eundem uicerit & damnauerit.

Pro-



EPIST: AD PHILIP:

Proinde dilecti mei sicut semper obedistis, non ut in presentia mea tantum sed nunc multo magis in absentia mea cum timore & tremore, uestram ipsorum salutem operamini.

Consequentis illatio. Concludit enim à Christi exemplo non solum uerae humilitati studendum esse, uerum etiam omni uirtutum generi incumbendum, atq; hæc conclusionis summa est. Cæterum amplificatio huius conclusionis tria habet. Primum collationem temporis præteriti cum futuro, Sepe enim ex præterito coniectura de futuro sumitur. Hactenus, inquit, Obedistis semper: Quare spero ut in posterum quoq; uos obsequentes præbeatis. Secundum modum conuersationis in hac uita. Cum timore, inquit, & tremore, id est, cum uera animi humilitate, pura conscientia, sinceraq; religione, seu sollicito tremore quo non dubitatio alitur, sed quo neglectus Dei, falsa colendi Deum ratio, securitas carnalis, ignauia & superbia excutuntur. Tertium Vsum, cum inquit, Vestram ipsorum salutem operamini, id est, uestrum salutis cursum conficite, hoc est, dum in hac mortali uita manendum est uobis, cum timore, & tremore uiuite.



COMMENT: IN

Non est autem salutem operari, operibus mereri salutem aut consequi, sed in salutis stadio feliciter progredi. Operari igitur salutem dicitur, qui in sanctitatis stadio currit. Quamuis enim gratis in uno Christo per fidem apprehenso seruemur, per uiam tamen iusticie & innocentie ad salutem contendere nos oportet. Quoniam Filij Dei eius spiritu ducantur, per quem sunt iustificati, ut in bonis operibus ambulent. Hec consentiunt cum dicto Apostoli ad Ephes: 2. Gratia saluati estis per fidem ( & hoc non ex uobis Dei donum est ) & non ex operibus ne quis gloriatur. Ipsius enim sumus factura, creati in Christo Iesu ad opera bona, quæ præparauit Deus ut in ijs ambulemus: Et cum disputatione Pauli ad Roman: Postquam enim Apostolus illic de gratuita iustificatione disputauerat, mox addit doctrinam de bonorum operum necessitate.

Nam Deus est qui agit in uobis & uelle & efficere pro beneplacito.

Ratio exhortationis seu comprobatio à facili seu causa efficiente: Deus est qui operatur omnia salutaria in uobis, igitur cum timore Dei in recto cursu pergite apprehensa manu Dei. Operatur autem Deus uelle in nobis dum ex mala uoluntate bonam facit: Operatur efficere quando suo



EPIST: AD PHILIP:

suo spiritu nos iuuat & addit uires. Sed qua re  
motus? hoc agit εὐδοκία, id est, beneuolentia pa-  
terna qua nos complectitur, & amat in dilecto  
filio suo, saluatore nostro Iesu Christo. Ephef: 1.  
Obseruetur hoc loco testimonium euidentissimum  
contra liberi arbitrij assertores. Si enim natura-  
lium uirium esset uelle & efficere salutaria, non  
hoc Paulus tribueret peculiari actioni Dei in iu-  
stificatis. Verum postquam Deus suo uerbo cre-  
dentem illuminauit suo spiritu, ex uoluntate mala  
bonam fecit, & uires subsequente gratia adiuuat,  
non sumus iam stipites aut saxa, ut inuiti traha-  
mur, sed quod recte uolumus efficere iuxta uires  
ex beneuolentia Dei collatas, poterimus. Sicut er-  
go extra gratiam nulla est libertas uoluntatis ad  
spirituales actiones, Ita gratia collata libertas ali-  
qua uoluntatis redditur, quæ actionum spiritua-  
lium quædam causa est, recte proinde numeran-  
tur causæ conuersionis & bonarum actionum,  
uerbum, spiritus sanctus & uoluntas, Sed docta  
uerbo, mota & roborata à spiritu sancto. Volun-  
tas enim sic docta mota & roborata à spiritu san-  
cto, potest uel assentiri, uel non assentiri, potest  
spiritui sancto obedire, uel resistere, id quod ex  
concione Stephani, Act: 7. manifestè colligitur.  
Pharisæi audientes Christum à Deo trahebantur  
uerbo & spiritu sancto, uoluntas eorum mouea-  
batur à spiritu sancto ad assentiendum, Sed nihi-



COMMENT: IN

homines contumaces manserunt aduersum spiritum sanctum, ex quo fit quod Christus tribuat illis peccatum in spiritum sanctum.

Omnia facite sine murmurationibus & disceptationibus.

Pergit Apostolus in concordie præceptis. Per murmurationes, clancularias oblocutiones intelligit, quæ uiam sternunt ad apertas discordias. Disceptationes sunt uerborum pugnae, unde fit ut alij alijs cedere nolint, ex quo postea scaturiunt seditiones, schismata, conuicia, bella, atq; adeo Diabolo aperitur ianua ad capiendos & perdendos homines.

Vt sitis irreprehensibiles & sinceri.

Hoc est, ut sitis tales, ut nemo de uobis conqueri possit, utq; neminem ledatis aut ulla iniuria afficiatis dicto uel facto, ἀμεμπτοι enim græcè sunt, qui ita uitam instituunt, ut sine omni querela uiuere uideantur, ἀκέραιοι dicuntur innocui, sinceri, seu placidi, & à ledendi studio alieni. Metaphora sumpta est ab animantibus, quæ uel cornibus omnino carent, uel ita natura mutia sunt, ut cornibus neminem petere tentent. Coniungit itaq;



EPIST: AD PHILIP.

itaq; Apostolus causam & effectum, Sed effectum priori loco ponit. Obseruetur hoc dictum contra eos, qui tametsi boni & Christiani iudicari uelint, semper tamen pungunt absentes, & sæpe commendationis prætextu famam innocentum denigrant, commendationi admiscentes quandam uasram & diabolicam (quam tamen studium erga absentes interpretantur) obloquutionis libidinem.

Filij Dei inculpati in medio nationis prauæ & tortuosæ.

Collatio est qua confert filios Dei cum hominibus nondum regeneratis, ut ostendat longè diuersissima esse debere illorum studia. Filiorum enim Dei est imitari patrem cœlestem, instituendo uitam iuxta ipsius mandatum, & prout ipsum habeant uitæ exemplar, sicuti ipse dicit. Sancti estote sicut ego sanctus sum. Contrà autem non regenerati suam prauam & distortam sequuntur originem. Vocat autem nationem prauam & peruersam quæ ordine peruerso, & contra quàm decet omnia facit, distortuendo ut ex rectis obliqua fiant. Quod sane fit dum in rebus diuinis à principijs adhuc reliquis in natura deflectunt ad omnem impietatem & iniusticiam.

Primum obseruetur hoc loco, qualem sit in-

E + genium



COMMENT: IN

genium omnium hominum, qui nondum per regenerationis gratiam facti sunt noua creatura in Christo Iesu, uidelicet prauum & tortuosum, prauum quidem, hoc est, malignum, scilicet habitu, tortuosum uerò, hoc est, flexuosum, uidelicet, studio, ut quod ea quæ recta sunt torqueat & incuruet ut minime recta esse uideantur.

Deinde obserua, cuius rei nos admoneat augustus ille titulus, quòd nos qui credimus in Iesum Christum Filij Dei censeamur, segregati à praua & distorta natione, uidelicet, ut summo studio caueamus, ne quid maculæ contrahamus ex improborum consuetudine: unde hic augustus titulus, & adoptio diuina maculari potest. Quare diligenter cauendum est, cum uersamur in tanto periculo ne gratia adoptionis nostra culpa excidamus.

Inter quos lucete tanquam luminaria in mundo.

Alludit Paulus ad dictum Domini. Sic luceat lux uestra coram hominibus, ut Pater uester cælestis glorificetur. Significat hac metaphora reliquum mundum totum densissimis ignorantie & malitiæ tenebris occupari. Vt igitur faces in tenebris splendent, sic pij inter obliquos & tortuosos



EPIST: AD PHILIP:

tuos homines, qui meræ tenebræ sunt lucere debent: idq; puritate doctrinæ, confessione, & conuersatione, seu uita: ut alios sua luce illuminent, quo tandem è tenebris emersi ad lucem Dei ueniant.

Porro quid lucis uocabulum in scripturis significet ex Antithesi lucis & tenebrarum pulchrè colligi potest, tenebræ in scripturis accipiuntur dupliciter, propriè, & figuratè: quibus ex aduerso respondet lucis seu luminis uox. tenebræ propriè acceptæ, sunt lucis (quæ est qualitas lucida) priuatio. Vt Gene: 1. tenebræ erant super terram & fiat lux, Figuratè tenebræ primum significant erroneam doctrinam quibus opponitur lux quæ est uerbum Dei. Lucerna pedibus meis uerbum tuum & lumen semitis meis. Psal. 119. Secundo, notant tenebræ effectum erroneæ doctrinæ, uidelicet cæcitatem ignorantiam in mente, quibus lux mentis, id est, clara noticia Dei in mente aduersatur. Tertò, tenebræ significant mores malos qui cæcitatem mentis comitantur, quibus lux morum, hoc est, sancta uita opponitur. Sic, inquit Christus, luceat lux uestra coram hominibus, ut homines uideant uestra bona opera. Quartò, tenebræ homines cæcos & flagitiosè uiuentes notant, ut in illo, & tenebræ eam non apprehenderunt: quibus lux opponitur, utpote Christus ipse qui uera lux est, & omnes pij qui

E 5 lux



COMMENT: IN

lux dicuntur à Paulo. Quintò, tenebræ regnum diaboli significat, unde Satan princeps tenebrarum dicitur: quibus opponitur lux quo regnum Christi significatur. Hic facile est uidere, uariare significata nunc per Metaphoram, nunc per Metonymiam, nunc per Metalepsin.

Sermonem uitæ adhibentes.

Ratio cur Apostolus pios luminaria appellauit in mundo, nimirum quia uerbum lucis siue uitæ habent, quod tanquam lucernam ad mouere seu adhibere uitæ formandæ debent. Dicitur autem Euangelium uerbum uitæ hoc loco, propterea quod uitam nostram dirigere debeat, ne à recto cursu deflectamus, atq; ita in tenebras mortis precipitemur. Respicit autem Paulus hoc loco ad dictum Davidis: Lucerna pedibus meis uerbum tuum. Solum enim uerbum Dei iustam ac ueram uiuendi rationem hominibus præscribit, quod tanquam lucernam adhibere debemus, ne in tenebras ruamus. Quid? an non lex norma uitæ est? cur ergo Euangelio tribuis quod est legis? tenendum est discrimen legis & Euangelij quantum ad opera attinet, nam utraq; doctrina obedientiam erga Deum, & dilectionem proximi requirit. Sed in hoc discrimen est. Lex, quas actiones interiores & exteriores Deus requirat, ostendit & simul indicat



EPIST: AD PHILIP.

indicat nihil placere Deo nisi satisfiat toti legi. Euangelium autem docet quomodo incoari possit obedientia, & quomodo placeat. Ut enim obedientia inchoatur per spiritum fidei, sine quo  $\chi\iota\kappa\omicron\iota$  homines sumus qui nihil diuinarum rerum percipere possumus: ita placet propter Christum etiamsi normæ legis non satisfiat, atq; adeo hæc obedientia à Paulo fructus iusticiæ fidei appellatur, quia nisi prius obtinuerimus iusticiam per fidem, nihil boni operis quod ualet coram Deo præstare possumus. Quare Paulus rectè iubet adhibere sermonem uitæ, hoc est, Euangelium.

In gloriam mihi, in diem Christi, quod non frustra cucurrerim, nec in uanum laborauerim.

Addit particularem finem. In gloriam, inquit, mihi, id est, ut gloriari possim in die Christi, quod uobis non frustra prædicauerim Euangelium. Verbo currendi, significat Apostolus suam in ministerio Euangelij sedulitatem, & industriam: qua uoce illorum oscitantia & pigritia taxatur, qui hoc diuino & augusto officio segniter funguntur: Ex quo fit ut nullum sui laboris seu ocij potius fructum percipiant, cum interim seduli ministri benedictionem Domini sentiant, dum uident ministerium suum multis prodesse ad salutem,



COMMENT: IN

tem, unde spem etiam concipiunt, ut cum Paulo in die Christi gloriari possint. Quod autem addit In diem Christi eo pertinet, ut Philippenses adeoque & nos excitet, ad perseverantiam in pietatis cursu per totam uitam.

Quinetiam si immolor supra hostia sacrificioque fidei uestre, gaudeo & congaudebo omnibus uobis ob id ipsum & uos gaudete & congratulamini mihi.

Quia dubius erat exitus uinculorum Pauli, hic attexit se libenter mortem obiturum pro defensione & confirmatione Euangelij, fideque Philippensium, qua re magis Philippenses stimulat, ut iuxta eam doctrinam, pro qua ipse iam erat paratus mori, uitam instituant. Si morior, inquit, immolor supra hostia & sacrificio fidei uestre, hoc est, cum antea uos in hostiam & sacrificium Deo obtulerim, & fideles in ea predicatione effecerim nequaquam moriturus merore conficior, sed letor potius, ac una uobiscum gaudeo. Gaudeo quidem quia offeror tanquam libamen additum uobis ueluti hostie. Gratulor uero quia uos Euangelio à me predicato credentes, non secus atque sacrificium aliquod Deo gratissimum obtulerim.

Respicit



EPIST: AD PHILIP.

Respicit autem hic Apostolus ad ueterem sacrificandi ritum, qui Symbolum fuit non solum sacrificij Christi, uerumetiam spiritualis sanctorum hostie. Vt enim illic erat libamen, hostia, sacerdos offerens. Ita & hic Paulus se  $\omega\omega\upsilon\delta\lambda\omega$ , hoc est, libamentum facit, & sacerdotem qui offerat. Philippenses uero hostiam. Nam eos gladio uerbi Dei mactatos Deo adducit in sacrificium.

Obseruetur igitur hic: Primum, quanta sit dignitas ministrorum uerbi, qui sacerdotes sunt coram Deo ad offerendas illi hostias, non quales sacrificuli in Papatu offerunt, nec quales Aaronici sacerdotes in ueteri lege, sed homines mactatos spirituali gladio, quos in uiuentem hostiam offerunt. Ceterum offerendi ratio in fide consistit, qua mortificati consecramur Deo per Iesum Christum. Monentur præterea hic ministri uerbi, quo affectu esse debeant in suo ministerio, nimirum ut uitæ fortunis, uxoribus, liberis, amicis, adeoque omnibus in mundo rebus charissimis ac dulcissimis ministerium suum anteponant, ac si mortis periculum eis adire contingat, ut statuam mortem suam ueluti dulcissimam quandam  $\omega\omega\upsilon\delta\lambda\omega$  & Deo gratissimam esse. Est enim imprimis obseruandum quod Paulus mortem quam pro defensione Euangelij obit, definit  $\omega\omega\upsilon\delta\lambda\omega$  libamen seu sacrificium: quo delectatur Deus. Hinc est quod Dauid

dicit



COMMENT: IN

dicat preciosa in conspectu Domini mors sanctorum eius: Hinc haud dubie martyres olim in medijs supplicijs se consolabantur. Verum hoc sciendum est quod mors per se non placeat Deo. Sed propter obedientiam, & patientiam in morte, quibus addo euentum, uidelicet, quod mors sit martyrium & testimonium fidei & confessionis. unde alij animantur ad confessionem & confirmantur in fide.

QUARTA PARS.

Spero autem in Domino Iesu Christo me breui Timotheum missurum ad uos, ut & ego tranquillo sim animo, cognito statu uestro.

**A**lteram partem huius capituli aggreditur Apostolus, quam supra totius Epistolae quartam fecimus. Est autem haec pars συστατική, seu demonstratiua, quae absoluitur laudibus Timothei & Epaphroditi. Haec commendatio tota coepertinet, ut Philippenses, hos duos ministros Dei, adeoque omnes Sinceros ministros uerbi in honore habeant, contempta Pseudoapostolorum uana iactantia. Parasceue huius commendationis est, quod dicat Apostolus se sperare breui missurum  
Timo-



EPIST: AD PHILIP:

Timotheum ad ipsos, ut ab eo reuerso cognoscat  
statum Philippensium, quo cognito tranquilliori  
sit animo.

Obserua itaq; hoc loco ingenium uerè Apo-  
stolicum esse profectu auditorum suorum, etiam  
in medijs ærumnis, reddi animosiores & alacrio-  
rem. Quod sanè ministris omnibus uerbi in ex-  
emplum proponendum est.

Neminem enim habeo pari ani-  
mo præditum, qui adeo sincere pro  
uobis sollicitus sit.

Ratio cur Timotheum promittit se missu-  
rum ab affectu Timothei erga Philippenses sum-  
pta: Et simul propositionis commendatorie in-  
sinuatio una cum ratione à collatione Timothei  
& aliorum ministrorum uerbi petita. Est au-  
tem hæc maxima Timothei commendatio quòd  
reliquis omnibus præferatur, quantum quidem ad  
sollicitudinem sanctam pro Philippensibus, atti-  
net. Hic ergo Timotheus nobis in exemplum pro-  
ponatur, ut quemadmodum ipse fuit: Ita & nos  
simus solliciti pro Ecclesijs Christi uel remotissi-  
mè à nobis disitis.

Nam omnes quæ sua sunt, quæ-  
runt, non quæ sunt Iesu Christi.

Ætio



COMMENT: IN

Ætiologia est, collatione, qua præfert Timotheum plerisque suorum commilitonum, qui propriam quietem sectantes hunc habent scopum, ut in tuto sint ac rebus necessarijs abundantes in pace uiuant.

Hic primum hyperbole in propositione uniuersali obseruanda est. Solemus enim uniuersaliter (præsertim cum oratio querelam de moribus continet) ea exprimere, quæ ut plurimum ita se habent: Vt nusquam tuta fides: Omnes student auaritiæ &c. Etsi autem plus dicet hyperbole quam res est, tamen eius uerus usus in sacra scriptura est, ut inde ueritas intelligatur cum querela mixta. Deinde obseruandum est, quod quæ Christi sunt querere & querere quæ sua sunt, hic ita opponantur, ut simul stare non possint.

Dicitur autem is, quæ Christi sunt querere, qui totum suum conatum eò confert, ut Christi gloriam illustret, salutem animarum quærat, non impeditus ulla priuati commodi aut incommodi ratione. Contra, sua querere, is dicitur, qui quidem forte Christum sincere docet, sed maiorem rationem habet sui commodi & suæ quietis quam Euangelij, gloriæ Christi, & salutis animarum. Si itaque Christus summus scopus fuerit, nihil prohibet etiam sua commoda querere, modo non negligentior quis ad querendam Christi gloriam



EPIST: AD PHILIP.

gloriam reddatur. Sic pia est cura coniugum & liberorum, modo primum & summum locum occupet cura gloriæ Christi, & pietatis ueræ conseruandæ studium.

Experimentum autem eius nostis quod ut filius cum patre mecum seruauit in Euangelio.

Commendatio ab ante actis amplificata comparatione. Obserua Paulum tantum Apostolum non appellare Timotheum iuuenem adhuc, quem ipse in Euangelio instruxerat, seruum aut famulum, sed ipsum filij honore dignatur: Nescit enim superbum Dominum Ecclesia Christi. Deinde appellatione filij indicat Apostolus quo affectu ministri superioris uocationis esse debeant erga suos comministros, utut fuerint gradu uocationis dispares.

Hunc igitur spero me missurum simulatq; uidero rerum mearum statum.

Commendationis conclusio est cum admonitione de tempore, quo ipsum Timotheum mittere decreuerat, nempe cognito rerum suarum statu, qui adhuc incertus erat.

F Confido



COMMENT: IN

Confido autem in Domino, quod  
& ipse cito uenturus sim.

Clausula hac de suo ipsos reditu sperare monet, quod eò spectat, ut eò sanctius uitam suam componant, quo inueniat eos abundare in cognitione & omni sensu, id quod supra ipsis optauit.

Necessarium autem putauí Epaphroditum fratrem & cooperarium & comilitonem meum, uestrum autem Apostolum & ministrum necessitatis meæ mittere ad uos.

Secunda propositio huius partis, cui maxima Epaphroditi commendatio aspergitur. Primum enim Fratrem ipsum nominat, qua appellatione non tantum affectum suum erga ipsum declarat: Verumetiam seipsum in ordinem redigit, & Epaphroditum pastorem Philippenſium sibi parem facit, quod quidem non tollit gradus Apostolatus & pastoratus, sed magis coniungit superiores & inferiores: ut coniunctis uiribus gloriam Christi per prædicationem Euangelij promouerent. Deinde ipsum Cooperarium, id est, collegam fatetur, quantum quidem ad commune ministerium propagandi regni Christi attinet. Tertio agnoscit



EPIST: AD PHILIP:

agnoscit ipsum Comilitonem suum, quo nomine plus quiddam significat, nimirum quod forti & inuicto animo militauerit secum pro Christi regno dilatando, idq; contra Pseudoapostolos & mundi rabiem Euangelium persequentis. Quarto pronunciat illum Apostolum Philippensium, hoc est, Parochum seu ministrum Euangelij apud Philippenses, Transtulit enim nomen speciei ad genus, maioris commendationis ergo. Quinto Ministrum necessitatis suæ ipsum appellat, ut qui sibi subministrarit quibus opus erat, perferens ad ipsum quæ Philippenses miserant: Vnde commendatur ab affectu & officio erga Paulum. Sit igitur hic Epaphroditus ministris Euangelij propositus, tanquam speculum formandæ uitæ in suo ministerio.

Quandoquidem desiderabat uos omnes uidere & anxius erat propterea quod audissetis eum ægrotasse, & certo ægrotauit proxime mortem.

Hæc commendatio sumitur ab effectu Epaphroditæ erga suos Philippenses, pro quibus, cum ægrotaret, magis erat quam pro seipso sollicitus: ne uidelicet ægritudo ipsius Philippensibus mœrorem adferret.



COMMENT: IN

Exemplum hoc proponatur cum ipsis ministris Euangelij, tum etiam auditoribus, ut hinc etiam admoneantur, quam solliciti esse debeant pro se inuicem.

Sed Deus misertus est eius, nec eius solum, sed & mei, ne dolorem haberem super dolorem.

Hic multae quaestiones se offerunt quarum explicatio in primis utilis est.

Prima quaestio est de dogmate Manicheorum, qui hanc praesentem uitam, ut malum per se, damnarunt: quorum error hoc Pauli testimonio confutatur. Nam prorogationem uitae Epaphrodoti inter misericordias Dei deputat: Quod, profecto perabsurdum fuisset si haec praesens uita per se mala esset. Taceo promissionem quarto praeccepto additam, qua promittitur longeva uita ijs qui maioribus suis debitum praestiterint honorem.

Quaestio secunda est de ἀπάθεια, Stoicorum quam etiam hic Paulus suo exemplo & testimonio euertit. Nam ipse Apostolus qui spiritum Dei habuit, quo regebatur, nunc letatur, nunc tristatur. Huc accedit quod nulla omnino laus esset patientiae Christianorum, si omni sensu doloris prorsus carerent, sed edocti uerbo Dei dolorem  
mitigant



EPIST: AD PHILIP:

mitigant eumq; superant per spiritum sanctum  
qui ipsis inter precandum uberem consolationem  
adfert.

Tertia quæstio est quam Ambrosius hoc loco  
mouet hisce uerbis. Quid ergo est ut præsentem A=  
postolo qui mortuos exuscitabat hic Epaphrodi=  
tus infirmatur usq; ad mortem? Sed signa infide=  
lium causa sunt. Nam huic non ad detrimentum  
contigit ægrotudo sed ad augmentum, Probatio=  
nis enim diuersæ sunt credentium. Alius enim per  
ægrotudinem, Alius amissione charorum, Alius  
per damnum pecuniæ, Alius per tribulationes  
probat, si in necessitate stabilis inueniatur, au=  
xilium à diuersa parte non quærens. Non ergo  
contempta est postulatio Apostoli, sed melius  
prouisum ei pro quo petebat.

Quarta quæstio nascitur ex duobus locis Pau=  
li in speciem pugnantibus. I. ad Thessal: 4. sic ait  
Apostolus. Videte ne contristemini pro dormien=  
tibus. Hic autem se mærore affici eò quòd Epa=  
phroditus morti fuerit uicinus, testatur, & quod  
Deus sui sit misertus, illum sanitati restituens.  
Verum istæ sententiæ nequaquam pugnant. Illic  
enim immoderatum dolorem adeoq; ethnicum  
omni spe uacantem prohibet: hic autem de dolo=  
re consolatione mixto loquitur: Qualis omnis  
Christianorum dolor esse debet. Nam ut natura=



COMMENT: IN

le est dolere amissione charorum. Ita pietatis est se Deo subijcere & ex uoluntate Dei ac promissionibus diuinis consolationem petere. Mixtus itaq; sit piorum dolor consolatione & obedientia erga Deum, quæ eos ad patientiam erudiat, cuius patientiæ mater est spes beatæ immortalitatis.

Quinta quæstio, ex dictis Pauli superioribus & ex præsentis loco nascitur. Supra enim dixerat melius esse pijs migrare & esse cum Christo, quàm hic uarijs ærumnis confici. Hic uero ueluti mutata sententia, mororis materiam sumit à morbo pij hominis, quem non dubitauit è miserijs præsentibus per mortem migraturum in regnum Christi, sed Paulus hic Ecclesiæ ædificationem spectauit, cui perutilem ministrum fuisse Epaphroditum minimè ignorauit: Quare & pijs merito dolendum est, quando è medio pij & sinceri ministri tolluntur.

Sexta quæstio: Si Deus mortis horam unicuique præsignauit. An non Deo resistere uidetur is qui tristatur ob alicuius mortem: Nam uoluntas ipsius uoluntati Dei repugnare uidetur. Facilis est Solutio, Aliud est enim dolere & frenare dolorem nostrum, ut subijciamus nos uoluntati Dei. Aliud est fremere aduersus Deum, & indignari & ex doloris magnitudine prorumpere in contumeliam Dei.

Septima



EPIST: AD PHILIP.

Septima quæstio oritur ex Antilogia huius loci & eius qui est Iob 14. Constituisti terminos hominis qui præteriri non poterunt. Verum huius quæstionis solutio legatur in Enchiridio nostro in expositione quarti præcepti.

Studiosius igitur misi ipsum, ut cum uideritis ipsum rursus, gaudeatis, & ego magis uacem dolore.

Conclusio ampliatà à finibus missi Epaphroditum ad Philippenses. Est autem hic uerborum sensus. Maiori cura Epaphroditum misi ut cum primum eum uideritis reuersum (quem uos nunquam uisuros putabatis) letemini.

Excipite igitur ipsum in Domino cum omni gaudio, & tales in precio habete.

Illatio exhortationis, ut Philippenses Epaphroditum excipiant in domino, id est, tanquam Domini legatum & nuncium, & in precio habeant non solum ipsum, uerumetiam alios, qui simili diligentia in negotio Euangelij uersentur. Obseruemus quo in loco habendi sunt sinceri Euangelij ministri ab auditoribus. Nam si legati

F 4 prim-



COMMENT: IN

principum huius mundi, sacrosancti censentur, ut quos sine inextinguibili scelere uiolare nemini prorsus liceat. Si scelus sempiternum putatur esse insidiari legatis ab hominibus missis, Quid dicemus de ijs qui uiolant legatos Dei? quibus poenis expiabitur tantum scelus? praesertim cum isti Dei legati annuncient bona, praedicent pacem, inuident uerbis Dei ad perpetuum foedus ferendum cum Domino dominantium, rege regum, cuius foederis fructus uberrimus ad nos redit, uidelicet, immortalitatis & gloria & aeternae uitae fruitio. Haec tanta dignitas etiam ministros uerbi commouere nefacere deberet, ne se ipsos malis moribus, & scurrilitate odibiles reddant.

Quia propter opus Domini usque ad mortem appropinquauit, non habita ratione uitae, ut suppleret defectum uestri erga me officij.

Causam morbi Epaphroditi insinuat fuisse longam illam profectionem, quam susceperat a Philippis Romam uersus, ut Paulo in uinculis ministraret. Hic obserua quod opus Christi uocat Christum in persona Pauli uinctum & egentem iuuuere & coram subleuare. Huc illuc, quod uni ex minimis meis fecistis, mihi fecistis. Qui igitur opem ferunt laborantibus seruis Domini, sciant se Deo



EPIST: AD PHILIP:

se Deo gratissimum opus facere, adeoque ipsi Christo seruire. Contrà uerò qui ministros Dei premunt, & iniuria afficiunt, quique manus auxilia- trices indigentibus subtrahunt, opus diaboli faci- ciant, adeoque ipsi diabolo seruiant.

Quod conuerti cum Erasmo. Non habita- ratione uitæ, grecè legitur παραβουλεύσας α- μυνος τῇ ψυχῇ. Nam παραβουλεύεσθαι signi- ficat perperam consulere, uti faciunt qui se in a- pertum uitæ periculum coniiciunt, sed hoc tamen facere in loco pro Christo non est stultitiæ aut imprudentiæ, sed uerè cœlestis sapientiæ, quam in Epaphrodito commendat Apostolus: qui uitæ pe- riculum adiit, ut defectum Philippensium supple- ret erga Paulum. Hoc igitur permultum ad com- mendationem Epaphroditi facit, ut qui tantum laborem subire uoluerit, quo Philippensium uice fungeretur in ministrando Paulo. Admoneantur & hic auditores uerbi officij sui erga laborantes ministros. Si enim liberi debent parentibus obse- quia necessaria, profectò pij agnoscent se non pa- rum sinceris uerbi iministris debere, per quorum prædicationem regenerati sunt & adoptati in Fi- lios Dei.

F 5 CAPVT



COMMENT: IN  
CAPVT TER-  
TIVM.

SVMMA CAPITIS  
TERTII.

**V**T Philippenses caueant sibi à Pseudapo-  
stolorum insidijs & fiducia carnis, monet  
Apostolus se statuens uiuum iusticiæ ueræ & pie-  
tatis exemplar, quod ut imitentur Philippenses  
hortatur.

ORDO ET PARTES HV-  
IVS CAPITIS.

**H**uius tertij capitis tres partes sunt. Harum  
prima est ἀποτρέψις, Monet enim ut  
Philippenses sibi caueant à corruptoribus ueræ  
doctrinæ, præsertim ab ijs qui Iudaismum sapien-  
tes circumcisioni & legali iusticiæ non parum  
tribuebant.

Secunda pars est demonstratio. Nam Apосто-  
lus seipsum in medium proponit, & suo exem-  
plo docet ad perfectionem nihil extra Christum  
querendum esse.

Tertia pars est exhortatio. Nam postquam se  
iusticiæ & ueræ pietatis exemplar proposuit,  
Philip-



EPIST: AD PHILIP.

Philippenses ad ueram pietatem hortatur. In harum partium explicatione multi insignes loci asperguntur, ut de uero piorum gaudio. De Circumcisione legali. De discrimine iusticiæ legis & Euangelij. De efficacia mortis & resurrectionis Christi. De perfectione Christiana. De aduentu Christi ad iudicium. De glorificatione corporum post resurrectionem.

EXEGESIS CAPITIS TERTII

CVM OBSERVATIONE

DOCTRINARVM.

Quod reliquum est fratres mei  
gaudete in Domino.

**A**ltissimum sequentis exhortationis fundamentum iacit Apostolus, cum iubet gaudere in Domino, Qui enim in Domino uerè gaudent, facile contemnunt falsos doctores, atq; adeo omnem gloriam carnis negligunt, Est autem ingenium falsorum doctorum uanam mundi gloriam querere, ut homines se suspiciant, ac tanquam de patribus ac doctoribus de ipsis gaudeant: parum admodum aut nihil de gloria Christi & salute animarum solliciti. Quare Paulus Philippenses ad Dominum reuocat, in quo solo gaudendum & gloriandum esse monet. Dicitur autem is re-  
Et in



COMMENT: IN

Et in Domino gaudere, qui illum salutis suae auctorem agnoscit retinens fidem & bonam conscientiam.

Eadem scribere uobis me quidem haud piget, uobis autem tutum est.

Interponuntur haec per prolepsin, poterant enim obijcere Philippenses, Sæpius tu Paule hæc præsens nobis inculcasti. Quare nec eadem iterando fatigandus es, nec uos eadem audiendo grauandi sumus. Respondet Apostolus, nequaquam sibi molestum esse eadem sæpius inculcare, nec illis inutile fore eadem sæpius audire. Hinc discant ministri Euangelij utiles doctrinas & exhortationes subinde repetere, atq; suis auditoribus inculcare. Discant & auditores sibi perutile esse eadem sæpenumero audire, quò altiores radices in cordibus eorum doctrina & eius accommodatio agat.

QUINTA PARS.

Cauete canes, cauate malos operarios cauate concisionem.

**P**ropositio exhortationis, cuius hic est sensus:  
Cauete omnem ueræ doctrinæ corruptelam  
&



EPIST: AD PHILIP.

Et omnes falsos doctores. Vtitur autem hic Apostolus tribus uocabulis, quibus falsorum doctorum ingenium graphice depingit. Primum enim uocat eos canes, hoc est mordaces, ueritatis luci obstrepentes, et impudentius oblatrantes: curam uentris potius quam mentis, inanis glorie potius quam Christi, gerentes. Deinde uocat eos operarios, sed malos, indicans duo operariorum genera esse in uinea Domini: quorum quidam mali sunt, quos ociosos esse praearet, destruunt enim uineam Domini: Quidam boni qui doctrina sincera et uita innocentia aedificant. Concisionem uocat Iudeos qui cum circumcisionem mordicus tanquam necessariam ad salutem retinuerunt, ueram Ecclesiam Dei dilacerarunt. Vtitur autem abstractis pro concretis propter circumcisionis et concisionis προσονομασίαν. Est autem concisio κατὰ τὴν sectio nocens et destruens (Danicè **vonstärkelse**) κατὰ enim in hac compositione destructionem significat, Euertitur hoc Pauli dicto Papisticum dogma, quo adimitur laicis, ut uocant, iudicium de doctrina, quod iudicium spiritus sanctus non solum permittit, sed etiam committit et commendat omnibus pijs, et nota est Christi sententia. Cauete à falsis doctoribus.

Nos enim sumus circumcisio, qui spiritu



COMMENT: IN  
spiritu Deum colimus, & gloriamur  
in Christo Iesu, & non in carnem fi-  
duciam habentes.

Ratio propositionis à definitione ueræ cir-  
cumcisionis quæ coram Deo ualet, sumpta, ac si  
diceret: Isti iactant circumcisionem carnalem,  
quæ Christi aduentu abrogata est, sed nos circum-  
cisionem spiritus habemus, Dum ergo illi umbris  
detinentur, nos ueritate fruimur.

Obseruanda est hoc loco definitio spiritualis  
circumcisionis, quòd sit amputatio fiduciæ carnis  
& gloriatio in Christo, per quem Deo spiritua-  
lem cultum reddimus. Gloriarì in Christo &  
totius salutis fiduciam in uno Christo collocare,  
fiduciam in carne habere, est in aliam quamlibet  
rem collocare fiduciam, quàm in unum Christum.  
Caro enim hic significat quicquid extra Chri-  
stum est, adeoq; ipsam circumcisionem carnalem,  
quæ Christo exhibito abolita est.

Obseruanda quoq; hic est Antithesis, quòd qui  
spiritu Deum non colunt, nequaquam gloriari  
possint in Christo: & quòd quicunq; habent fi-  
duciam in carne defleant à uera salutis uia in  
damnationis præcipitium.

Quanz



EPIST: AD PHILIP:

Quamquam & ego habeam fiduciam in carne, si quisquam alius uideatur fiduciam habere in carne, ego magis habeo.

Ut retundat concisionis arrogantiam collationem addit: & se confert cum illis qui gloriabantur de prerogatiuis gentis Iudaicæ, ac si diceret non minorem gloriationis materiam habeo, quam isti. Imò in multis illis superior sum, loquitur autem hic Paulus de materia gloriationis coram hominibus, non de effectu, quemadmodum mox declarabitur.

Circumcisis octauo die.

Scilicet iuxta legem qua ratione se præfert proscitis.

Ex genere Israël.

Id est, ex semine Iacob Patriarchæ cuius tota posteritas populus Dei habebatur.

E tribu Benjamin.

Tribus meminit maioris certitudinis causa.

Hebræus ex Hebræis.

Hoc



COMMENT: IN

Hoc dicto significat semen defecisse à sua gente ad gentilismum, ut multi fecerunt ortis persecutionibus à uicinis populis.

Secundum legem Phariseus.

Iam de uitæ genere & studio agit, fuerunt autem Pharisei præcipui inter alios sectarios. Scripturæ enim interpretes fuere, quàm suis corruptelis deprauarunt. Iuxta legem, inquit, hoc est, iuxta præscriptum seu ordinatum à Phariseis religionis institutum, seu iuxta ordinem & regulam Phariseorum. Respicit enim Paulus ad uocabulum Thora, quod interdum ordinationem & constitutionem notat. Nam lex Dei nihil omnino præcipit de Phariseorum secta, quæ sub Pontificatu Ionathæ primum inæcepit.

Iuxta zelum persequens Ecclesiam.

Hoc additur ut ostendat quanto studio & ardore suum Pharisaismum propagare studuerit. Nam cum uideret Ecclesiam Dei penitus abhorere à Pharisaismo, eumq; omnino damnare, nihil non periculi adiit, ut Ecclesiæ nomen aboleret, atque ita suus Pharisaismus magis propagaretur.

Secun-



EPIST: AD PHILIP.

Secundum iusticiam quæ est in  
lege, factus irreprehensibilis.

Hoc respectu hominum intelligendum est,  
quorum iudicio satisfacit externa disciplina. Est  
profectò magna laus quòd ita uitam totam insti-  
tuerit Apostolus, ut nihil querelæ dignum admi-  
serit. Non autem hic loquitur de iudicio Dei, cui  
mortalium nullus ita satisfacere potest, ut pro-  
pter suam obedientiam perfectam & plenam, ha-  
beatur coram Deo perfectè iustus seu irrepre-  
hensibilis. Obseruetur ergo hoc loco quòd iusti-  
cia legis sit duplex. Spiritualis una, altera litera-  
lis. Spiritualis est perfectus amor Dei & proxi-  
mi, hæc nunquam in ullius uita extitit, excipio  
unum Christum. Literalis est quæ in hominum  
conspectu apparet, cum interim hypocrisis reg-  
net in corde, & coram Deo nihil sit quam ini-  
quitas. Proinde qui ex hoc loco Pauli concludit  
legem Dei ab homine impleri posse, cælum terræ  
miscet, & non satis perpendit in quem finem hæc  
à Paulo dicantur.

Verum quæ erant mihi lucra, ea  
existimaui propter Christum iactus-  
ram esse.

Omnia quæ sequuntur ad finem capitis in  
hunc Syllogismum conijci possunt: Boni discipuli

G

magi.



COMMENT: IN

magistrum suum imitari debent. Ego magister  
uester omni carnis fiducia abiecta in solo Christo  
acquiesco, igitur & uos fiduciam carnis abijcite,  
ac in solo Christo acquiescite, cauentes sacrae do-  
ctrinae corruptelas. Minorem per collationem  
ponit: Confert enim totam carnis fiduciam cum  
Christo: quem adeo praefert uniuersae gloriae car-  
nis, ut pro iactura habeat, quicquid sit extra Chri-  
stum. Quae erant, inquit, mihi, scilicet ante co-  
gnitionem Christi. lucra, hoc est, quae in me fi-  
duciam carnis & propriae iusticiae alebant, ea, co-  
gnito Christo pro iactura habui, quia me à Chri-  
sto remorabantur. Donec enim homo quicquam  
sibi, suisq; dotibus aut operibus tribuit, Christi  
particeps esse nequit. Oportet enim nos nudos  
tanquam è naufragio enatantes ad ipsum uenire.  
Hic ergo destruitur opinio Papistarum de ope-  
ribus praeparantibus, & de merito congrui.

Quin etiam omnia existimo iactur-  
am esse propter eminentiam Christi  
Domini mei.

Etsi eandem sententiam repetit, singularis ta-  
men Emphasis in duabus uocibus consideranda  
est. Nam, cum hic dicit in praesenti quod supra di-  
xit in praeterito, significat se constantem manere  
in suo proposito, & ex animo omnis carnis fidu-  
ciam



EPIST: AD PHILIP:

ciam postponere Christo. Destruitur igitur & e-  
uerfitur hoc dicto dogma iusticiariorum de ope-  
ribus consumantibus seu perficientibus iusticiam.  
Quod autem addit, propter eminentiam Iesu Chri-  
sti, significat neminem uerè Christum posse co-  
gnoscere donec propria iusticia fuerit inflatus.

Est autem cognitio Christi sita in duabus, ui-  
delicet, in noticia & fiducia. Noticia, personæ u-  
nitatem, naturarum diuinæ & humane miran-  
dam unionem, & officium redemptionis comple-  
ctitur. Fiducia autem beneficia oblata apprehen-  
dit, ac in Christi gratia acquiescit. Proinde cog-  
nitionis uoce solida fides Christi ex concepta no-  
ticia intelligitur. Domini mei, dicit, quia soli  
credentes in Christo Domino gloriari possunt.

Propter quem omnium iacturam  
feci, & existimo reiectamenta esse ut  
Christum lucrifaciam.

Tertio repetit eandem sententiam nō sine sin-  
gulari Emphasi. Dicit enim se non solum omnium  
iacturam fecisse propter Christum, uerumetiam  
omnem carnis fiduciam tanquam rem abominan-  
dam abiectisse, ut Christum lucrifaceret, hoc est,  
ut Christum solum iustificatorem & saluatorem  
obtineret. Rursum igitur monemur omnem car-  
nis adcoq; iusticie propriæ fiduciam abijciendam  
esse



COMMENT: IN

esse, tanquam rem indignam oculis, modo Christi participes esse uelimus, uerissimè enim ab Ambrosio dictum est. Gratia Dei aut tota recipitur, aut tota abijcitur, Et Augustinus: Gratia est nullo modo quæ non est gratuita omni modo. Vocabulum σκύβαλα usurpauit Apostolus, quo nihil potuit contemptius significari. Est enim σκύβαλον res fœda indigna oculis hominum, sed canibus proijcienda potius. Hinc apparet quæ sit laus bonorum operum coram Deo ante iustificationem gratuitam, præsertim cum homines fiduciam in illis collocant. Quare nequaquam dictum Apostoli uult, ut uirtutes quas requirit lex, abijciamus, sed tantum contra fiduciam carnis insurgit, quæ impedit quò minus ad Christum peruenire possimus.

Et reperiar in ipso, non habens meam iusticiam quæ est ex lege, sed eam quæ est per fidem Christi, iusticiam quæ est ex Deo per fidem.

Exponit quis sit efficacis cognitionis Christi fructus, nempe iusticia noua, quæ est, ex fide Iesu Christi, hoc est, quæ imputatur credenti in Christum.

Hic primum obseruetur antithesis duplicis iusticiæ, quedam enim hominis propria dicitur, quæ est ex lege: Quedã Dei iusticia quæ fide obtinetur.



EPIST: AD PHILIP:

netur. Hanc cum illa simul statui non posse clarissime euincit hic Pauli locus. Qui enim nititur iusticia propria, iusticiae fidei expers est, et qui nititur iusticia fidei, agnoscit se nullam propriam iusticiam qua consistere potest eorum Deo, habere. Quare diligenter cauendum est, ne has iusticiae formas confundamus: quarum confusio semper maximas in Ecclesia turbas & dissidia mouit. Quidam enim cum audiunt simul stare non posse has duas iusticiae formas, mox existimant licentiam datam carni, ut se prostituat liberè ad omnem turpitudinem, gloriantur de Christo, clamant ablatam esse maledictionem legis, iactant fidem, cumulant plurima testimonia scripturae, quibus ad seipsos inescandos abutuntur, qui liberius in omni flagitiorum genere uoluentur, non obseruantes Paulum hic & in similibus locis nequaquam substantiam, sed fiduciam operum & proprii meriti oppugnare, quo solius Dei gloria emineat. Non uult ergo Apostolus ut honestatis, iusticiae, castitatis, beneficentiae, ceterorumque fructuum, spiritus & fidei studium abijciamus, sed ut fiduciam seu qualitatem quam operibus sophistae attribuunt, procul à conspectu remoueamus.

Rursus sunt qui ex utraque iusticia, nempe operum & fidei unam componunt iusticiam, qua homines coram Deo iustificari contendunt. Horum error non solum hoc Pauli testimonio refellitur.



COMMENT: IN

Verumetiam, multis alijs scripturæ testimonijs refutatur, adeò ut hanc connexionem ruinæ & reiectionis Iudæorum causam Apostolus statuatur, cum ita inquit ad Rom. 10. Ignorantes Dei iusticiam, et propriam iusticiam quærentes statuere, iusticiæ Dei nõ fuerunt subiecti. Quisquis ergo fudit propriæ iusticiæ, iusticia Dei quæ est ex fide excidit. Quare diligenter discernamus inter legalem & Euangelicam iusticiam.

Primum itaq; differunt causis efficientibus. Illa enim hominis propria, ut quæ in operum legis obedientia consistit: hæc autem Dei dicitur, Nam ipse et eam pro iusticia imputat credenti, & eandem approbat.

Secundo differunt genere. Nam legis iusticia est formalis obedientia hominis erga legem. Fidei uero imputatiua dicitur, ut enim fundamentum iusticiæ hominis opus est iuxta rationem legis factum, Ita obedientia Christi formalis nobis ascribitur, Dum in ipsum credimus non enim aliter nos iusti sumus quàm Christus fuit peccator. Hic autò ut non fuit peccator qualitate, sed imputatione nostri peccati reus fuit: ita nos non sumus iusti qualitate sed imputatione iusticiæ Christi accepti sumus, definitur itaq; rectè iusticia Christiana esse credentis personæ absolutio à peccato, imputatio iusticiæ Christi, & acceptatio ad uitam æternam gratis propter Christum, pro nostro enim reatu  
cui



EPIST: AD PHILEIP.

cui debebatur poena satisfactum est per uictimam  
expiatricem Christi: nostrum defectum supplet  
perfectio Christi, hoc est, legis perfecta obedi-  
entia in Christo quae nobis credentibus imputatur:  
ut ita expiato peccato & imputata nobis Christi  
obedientia iusti simus & acceptemur à Deo per  
Iesum Christum mediatorem ad uitam aeternam.  
Hanc iusticiam tantisper possidet homo, donec re-  
tinet fidem & bonam conscientiam, ut enim fides  
accipit iusticiam per Euangelium oblatam, ita bo-  
na conscientia fidei custos est, qua amissa naufra-  
gium fidei committitur, ex quo apparet quàm ne-  
cessaria sit noua obedientia in conuersis.

Tertiò, iusticia legalis homini in hac uita pla-  
ne est impossibilis, ut quae hominis conatum requi-  
rit, quo satisfiat legi Dei. Iusticia Euāgelij donum  
est quod Deus largitur ex mera gratia omnibus  
credentibus.

Quartò, iusticiae legalis fiducia parit hypo-  
crisin & carnalem confidentiam, At fiducia iusti-  
ciae Euāgelij parit humilitatem ueram & multi-  
plices fructus internos & externos producit.

Quinto, iusticia legalis homini uano, at iusticia  
fidei soli Deo gloriā tribuit per Iesum Christum.

Sexta, fiducia iusticiae legis hominum damna-  
tionem subiicit, ut quae reiectionis eius causa existat,  
Sed fidei iusticia à damnatione hominem reddit se-  
curum, nulla enim est condemnatio ijs qui sunt in

G + Christo



COMMENT: IN

Christo Iesu, qui non secundum carnem ambulant,  
sed secundum spiritum, Rom. 8.

Vt cognoscam eum, & potentiam  
resurrectionis & communionem affli-  
ctionum eius.

Qualis sit fidei natura explicat tria ei attri-  
buens, uidelicet cognitionem Christi, cum qua con-  
iuncta est fiducia: cognitionem potentiae resurre-  
ctionis eius, fide enim in Christum uim resurrectionis  
ipsius in nobis sentimus, idq; non solum quod  
ipsius efficatia in nouam uitam reformamur ac ue-  
luti resurgimus, uerumetiam quod certo expecta-  
mus nos per eandem resurrecturos: & cognitionem  
comunione afflictionum eius, qua scilicet nos red-  
dimur participes afflictionum Christi, quemad-  
modum enim ille, ita & nos in hoc mundo uarias  
experiamur afflictiones. Obseruemus igitur hoc  
loco quales piorum meditationes et studia esse de-  
beant. Huc illud Pauli ad Timotheum. Memento  
Iesum Christum resurrexisse a mortuis.

Conformis factus morti eius, si  
quomodo pertingam ad resurrectionem  
mortuorum.

Quo pertineant praesentes Ecclesiae afflictio-  
nes ostendit: nimirum, ut Christum sequamur in  
cruce donec pertingamus ad resurrectionem mor-  
tuorum, ut enim a morte ad resurrectionem Chri-  
stus



stus Dominus peruenit: Ita nos quoq; ex uarijs afflictionibus tandem ad gloriā immortalitatis perueniemus. Conformitas mortis Christi consistit in mortificatione carnis & externi hominis, hoc est, in uera contritione & tollerantia crucis. Quod autem addit, Si quomodo, non est dubitantis sed anhelantis ad metam. Significat igitur Apostolus difficultatem sequendi Christum, ut in Philippensibus studium acrius excitet. Nemo enim coronatur, nisi qui legitime certauerit.

Non quod iam apprehenderim aut perfectus sim, sed sector si etiam apprehendam, quatenus & apprehensus sum à Iesu Christo.

Vt ad perseuerantiam & serium studium peragendi in pietatis stadio excitet Philippenses, se adhuc in cursu esse indicat. Dixerat se fide eò tendere, ut cognoscat Christum, ut uim resurrectionis & cōmunionem passionum eius percipiat, in eodem cursu se adhuc esse fatetur, & anhelare ut aliquando ad scopum perueniat. Quod autem addit quatenus apprehensus sum, eò pertinet ut totum salutis beneficium gratiæ tribuatur. Vult igitur Apostolus eos qui huius gratiæ Christi facti sunt participes, nō ocio torpore, sed toto nisu incumbere, ut apprehenso Christo pergant, donec ad metam perueniant. Hic locus obseruandus est,



COMMENT: IN

contra sanctulos quosdam, qui cum uix nicam fidei habeant, sed tamen iam ad dexteram Christi in cœlestibus sedere gloriantur. De perfectione paulo post dicemus. Fratres ego meipsum nondum arbitror assequutum esse. *Attentio est cum repetitione eiusdem sententiæ, & monet suo exemplo Philippenses, ut in principio cursus non torpeant, sed perpetuo progrediantur, donec ad metam perueniant.*

Vnum autem (ago) ea quidem quæ à tergo sunt obliuiscens, ad ea uero quæ à fronte sunt enitens, secundum scopum sequor ad palmam supernæ uocationis Dei per Iesum Christum.

Quod simpliciter dixit, nunc allegoricè repetit. Est autem hic sensus. Quemadmodum cursores qui in stadio currunt, non respectant à tergo, sed feruntur pleno impetu: Ita ego proposita palma supernæ uocationis, id est, cœlestis beatitudinis, non sino me ullis mundanis auocamentis retrahi à cursu, sed recta pergo donec ad præfixum scopum perueniam. Hoc Apostoli exēplum omnibus pijs merito proponendum est, ut cogitent nō torpore, non segnicie, non uoluptatibus, non iactantia inanisi fidei, sed strenuo in pietate cursu properandum esse ad præfixum beatitudinis scopum. Et si autem gloria cœlestis gratuitum est Dei donum



EPIST. AD PHILIP.

num, tamen ad eam fidei ueris exercitijs perpetuo contendendum est. Atq; ideo adiecit, Per Iesum Christum, ut in ipsum solum in toto cursu recumbamus.

Quotquot igitur perfecti sumus hoc sentiamus.

Transfert hypothesin ad thesin seu suum exemplum ad catholicam doctrinam. Quod enim de se dixit, ad omnes pios accommodat, nimirum ut omnes exclusa carnis fiducia, & fide iustificati cognoscant Christum, sentiant uim resurrectionis ac communionis afflictionum eius, atq; ita in cursu pergant indefesse, Donec ad metam perueniant per Iesum Christum. Potest autem ex collatione huius dicti & superioris colligi definitio perfectionis Christiane, uidelicet, quod sit fiducia in Christum & uiua cognitio et sensus mortis et resurrectionis Domini, cum firmo proposito in pietatis stadio indefesse currendi donec ad metam usq; peruentum fuerit. Seu ut clarius dicam. Perfectio Christiana est ex fide Christi obedientiam erga Deum omnibus rebus alijs anteferre, h. e., ut iustificati fide puro colendi Deum affectu dicamur, ut simplici integritate praediti testari possumus, nos hoc praecipue in uotis habere, ut omnem nostram uitam Deo approbemus sanctae fide dilectione et patientia. Haec perfectio non gradibus consumatur in hoc mundo, sed substantiae tantum respectu dicitur perfectio perficienda gradibus in futura



COMMENT: IN

futura uita. Hinc iam facile conciliatur superius dictum, & hæc sententia, supra dixit, non quòd perfectus sim, hic autem, quotquot perfecti sumus. Paulus enim perfectus est substantia, non perfectus si gradus spectes.

Et si quid aliter sentitis & hoc Deus uobis reuelabit.

Hoc est, si qui inter uos secus persuasi sunt à Pseudoapostolis qui ad perfectionem Christianam requirunt etiam umbras Mosaicarum, ut circumcisionem & alios ritus, Deus aliquando et illos in uiam reuocabit, ut agnito errore idem nobiscum sentiant. Monet igitur Paulus hoc loco quomodo agendum sit cum ijs, quibus nondum satis illuxit Evangelij puritas, qui docendi quidem sunt, sed interim locus est dandus reuelationi diuinæ, qua Deus per uerbum & suum sanctum spiritum corda hominum in rectam uiam flectit, persuadendo efficaciter ijs de ueritate uerbi sui, Vt enim omnia habent incrementa sua, suumq; tempus: Ita & Dei cognitio incrementum sumit in nobis indies, modo ipsi non fuerimus in culpa, resistendo spiritui sancto, qui iuxta ordinationem Dei in uerbo prædicato & cogitato uult esse efficax.

Veruntamen in eo ad quod peruenimus eadem incedamus regula, idem sentiamus.

Exhor=



EPIST: AD PHILIP.

Exhortatio est, ut unanimes in doctrina & uitae puritate pergamus, etiamsi non omnes aequè multum promouisse in cursu uideamur. Diligenter obseruandus est hic locus qui monet, ne uel ipsi despondeamus animum si nondum ad summum peruenimus, uel alios qui tardiores & imperfectiores esse uidentur, prae nobis contemnamus. Deinde obseruanda est metaphora sumpta ab ordine militari. Nam σοιχηρ dicuntur milites, cum in acie singuli ut ordinati sunt, manent, & recta serie progrediuntur, nec in dextrum nec in sinistrum declinantes, sed locum fortiter defendentes. Vt igitur illi suam militarem regulam habent, quam turbare turpe est, ita & Christianos decet, ut strenuorum militum exemplo sub uexillis Christi fortiter suum quisque locum tueantur, & iuxta regulam eandem, quam omnibus suis communem praescripsit Dominus in fide, dilectione et patientia ceterisque uirtutibus progrediantur, donec letam per Christum reportauerint uictoriam. Non uult igitur Apostolus, ut nouum doctrinae genus, aut nouas uiuendi regulas excogitemus, sed ut regulam fidei & uitae quam praescribit nobis Euangelium sequamur.

Estote pariter imitatores mei fratres, & considerate eos qui sic ambulant, quemadmodum habetis nos typum.

Horta-



COMMENT: IN

Hortatur Apostolus, ut se exemplum sibi proponant Philippenses. Est enim hoc uerè doctorem Ecclesie agere, alijs doctrinæ puritate & uitæ innocentia præire, ut sit typus iuxta quem auditores tutò suam uitam & mores componere possint.

Hic tria genera ministrorum uerbi impingunt. Primum, eorum qui rectè quidem docent, sed parum honestis præditi sunt moribus. Hi quod uerbis ædificant, Moribus destruunt. Secundam eorum est qui uitam quidem coram oculis hominum innocentem degunt, sed doctrina est erronea & corrupta malis opinionibus. hi quod uita extruere uidentur, doctrina euertunt. Tertium eorum est, qui non solum falsa & erronea docent, uerū etiam scelerate uiuunt, hi uastant Ecclesiam utroq; modo, et manifesta sunt Satanae mancipia, ad perdendas hominum animas conducta. Caueamus ergo ne in ipsis ministrorū tribus generibus reperiamur, sed potius studeamus exemplo Pauli illorum ascribi numero, qui rectè & sincerè docent, moribus, dictis, factis, adeoq; tota uita doctrinam exprimentes, hos uult Apostolus, ut Philippenses considerent, ac eorum uestigijs insistant.

Multi enim ambulant, quos sæpe dixi uobis, nunc autem & flens dico inimicos crucis Christi, quorum finis interitus, quorū Deus uenter, & gloria in dedecore ipsorū qui terrena sapiūt.

Ratio



EPIST: AD PHILIP:

Ratio est cur uelit Philippenses se imitari, & contrario exemplo sumpta, & à salutis periculo. Interponit autem Pseudoapostolorum sui temporis breuem descriptionem, ut & agnosci & melius caueri possint. Primum enim, uocat eos inimicos crucis Christi, cum quia puritatem Euangelij & beneficia redemptionis, hoc est, crucis Christi obscurabant, Imò abolebant, eò quòd circumcisionem & ritus legis Moysaicae tanquam necessarios ad salutem falsò prædicabant, tunc quia crucem & persecutionem pro Christi Euangelio purè prædicando refugiebant, sui priuatè commodi gratia. Proinde, inimici crucis Christi, sunt non solum qui unico Christo atq; eius λύτρωσις, non tribuunt plenum (concepta in ipsam fiduciam) redemptionis honorem, uerum etiam qui affectibus hominum se accommodantes crucem refugiunt, suiq; uentris propriæq; quietis curam habent, potius quam salutis animarum, atq; ea de causa addit, Quorum Deus uenter est. Dicuntur autem Deum habere uentrem, quicumque hunc scopum habent suarum actionum, quòd suis commoditatibus, uidelicet, ut tranquille uiuant, consulant potius suæ quam Christi gloriæ, nihil de exitu cogitantes, quem hîc Paulus apponit, inquit. Quorum finis est perditio. Hoc ideo adiecit Apostolus, ut proposito hoc periculo Philippenses ab istorum uanitate absterreat, & animet eos



COMMENT: IN

net eos ad gnauiter faciendum officium in timorẽ Domini.

Præterea subiungit Apostolus. Et gloria eorum cum dedecore, ( seu confusione, ut habet uetus interpretes. ) Hoc etiam ad pœnam spectat eorum, qui hic gloriam suam & non Dei quærunt. Quicunq; ergo in carne confidunt uanam gloriam mundanæ umbram sectantes, tandem iustissimam mercedem, ignominiam & confusionem reportabunt, idq; in conscientia primum, Deinde in extremo die quando pudefient omnes qui Christo suum integrum honorem non tribuerunt, quiq; propter fauorem hominum & inanam gloriolam orationem suam flexerunt ad affectus hominum, horum gloria tum uertetur in sempiternam confusionem. Postremo Apostolus una uoce qualesnam sint inimici isti crucis exprimit. Qui inquit, terrena sapiunt, hoc est, qui nihil sapiunt rerum cœlestium, sed solummodo in rebus carnalibus occupantur. Atq; ita hic graphice depingit Apostolus eos quos supra canes, malos operarios, concisionem, & fiduciam in carne habentes, uocauit.

At nostra conuersatio est in cœlis, unde saluatorem expectamus Dominum Iesum Christum,

Anti-



EPIST: AD PHIL:

Antithesis est, qua discernit inter falsos doctores & ueros: inter falsos Christianos & sincere. Illi terrena sapiunt, terrenam tranquillitatem sibi tanquam metam ante oculos habentes. Hi autem tametsi corporibus in terris uiuunt, affectibus tamen in politia cœlesti uersantur, leuatis animis ad CHRISTVM Dominum sedentem ad dexteram Patris, unde & expectant ipsum Saluatorem. Etsi autem ubique est Iesus Christus saluator noster per id quod Deus est (ut inquit Augustinus) tamen in cœlo est per id quod homo, quemadmodum articulus de Ascensione Domini, & aduentu eiusdem ad Iudicium apertè docet. Vult ergo Paulus, ut semper cordibus nostris ascendamus in cœlum, & fide contemplemur nostrum saluatorem IESVM CHRISTVM, ad quem animabus migrare omni hora cupiamus, exemplo Pauli dicentis. Cupio migrare & esse cum Christo.

Qui transformabit corpus nostræ humilitatis, ut ipsum sit conforme corpori gloriæ eius, secundum efficaciam, qua potest ipse etiam sibi subijcere omnia.

Quidnam faciet Saluator ubi aduenerit,  
H            osten-



COMMENT: IN

ostendit, Transformabit, inquit, corpus nostræ humilitatis, id est, hoc nostrum humile & uile corpus, ut sit conforme corpori ipsius glorioso, idque secundum eam efficaciam, qua potest sibi subijcere omnia.

Hic quatuor obseruentur. Primum, de transformatione corporum. Secundum, quod eorundem corporum quæ hic habemus, sit futura transformatio. Tertium, de modo transformationis. Quartum, de huius transformationis causa & uirtute.

Transformatio consistit in eo, ut corpus hoc corruptibile fiat incorruptibile: mortale, fiat immortale: infirmum, fiat sanum, & integrum: humile & contemtibile, fiat gloriosum: animale, fiat spirituale, sicut Paulus docet I. Corinth. 15.

Deinde eorundem corporum erit transformatio, non aliorum: quemadmodum Iob testatur, & se in medijs ærumnis, cum ipsius corpus scatebat uermibus, spe huius transformationis consolatur. Ita enim ait: Scio quod REDEMPTOR meus uiuit, & in extremo die resurrecturus sum. Nam ut Christus eodem corpore surrexit, quod habuit dum inter homines ut homo uersaretur, Ita nos iisdem corporibus resurgemus, ut eadem  
corpo



EPIST: AD PHIL:

corpora, quæ hic cum Christo crucifixa sunt,  
unâ cum Christo in cœlesti beatitudine glorifi-  
centur.

Porrò hæc transformatio huiusmodi erit, ut  
corpus nostrum reddatur σὺμμορφον, id est,  
conforme glorioso corpori Christi, hoc est, ut  
æquale corpus Christi iam est post resurrectio-  
nem ipsius, talia quoq; nostra sint futura in æter-  
na uita.

Cæterum quia ratio nostra hoc mysterium ca-  
pere nequit, uidelicet, quomodo mortuorum cor-  
pora, quorum quædam igni consumta sunt, alia  
submersa, alia à bestiis comesta, alia alio modo  
corrupta ac perditâ, possint resurgere, remittit  
nos Paulus ad potentiam Christi, qua potest sibi  
omnia subijcere: Si enim potuit ex nihilo omnia  
condere, cur non ad iussu ipsius redirent cor-  
pora, & starent coram ipso perfecta? Huius  
resurrectionis cogitatio meritò nos mouere de-  
beret, ne nostra corpora ulla turpitudine conta-  
minaremus, quæ olim si à capite nostra ipsorum  
culpa non fuerint abscissa, tanta gloria in cœlo  
donabuntur, ut sint conformia glorioso Christi  
corpori, quæ sanè gloria nulla lingua satis expli-  
cari potest.

H 2

Deinde



COMMENT: IN

Deinde ex hoc loco discamus, in negotio salutis nostram rationem ligare & captiuare, ne se intempestiuè ingerat aduersus Deum & Christi potentiam, qua potest omnia quæ uult, Vult autem omnia quæ decreuit, & uerbo suo promissit. Articuli enim fidei nostræ rationis acumine nequaquam cerni possunt, Quare hic solo fidei lumine contenti esse debemus.

Quapropter fratres mei dilecti & exoptati, gaudium & corona mea, sic stete in Domino dilecti.

Conclusio est generalis, cuius hic sensus est. Cum igitur ita se res habeat, quod uana sit omnis carnis fiducia, quod sola fidei iusticia accepta sit Deo, qua cognoscitur Christus & potentia resurrectionis, & communio afflictionum eius, in quibus tanquam in stadio, donec in hac uita sumus, & ad metam ueniamus, uersari decet, hortor uos, ut relictis sanæ doctrinæ corruptoribus, stetis in Domino, à quo solo salus expectanda est. Stare .n. in Domino, est permanere & perseuerare constanter sine titubatione & claudicatione, In uia Domini, hoc est, in puritate doctrinæ & morum innocentia, quam doctrina requirit.

Quod autem eos appellet Apostolus, Fratres



EPIST: AD PHIL:

tres dilectos, desideratos, gaudium & coronam suam, ad affectum ipsius declarandum erga Philipenses pertinet. Significat enim se uehementer gaudere ex eorum in pietate profectu. Cum Coronæ meminit, respicit ad eos, quibus in stadio currentibus brabium est propositum. Talis utiq; affectus sincerorum ministrorum uerbi erga suos auditores esse debet, ut de illorum profectu in Domino ueluti triumphent.



CAPVT QVARTVM.

SVMMA CAPITIS  
QVARTI.

VT priuatos quosdam ad concordiam & ad opem sibi inuicem ferendam hortatur Apostolus: Ita omnes monet, ut in Domino gaudeant, & abiectis curis mundanis ad preces confugiant, seque tanquam exemplar imitentur, Deinde libe-

H 3 ralita-



COMMENT: IN  
ralitatem eorum erga se acceptans, optat ut Deus  
ipsis officium rependat.

ORDO ET PARTES CA-  
PITIS QVARTI.

**Q**uemadmodum in epilogis fieri solet, plu-  
ra hic ab Apostolo congeruntur, ac Pri-  
mum quædam quæ priuatas personas concernunt,  
attingit. Deinde omnes compellat, ac eos, gau-  
dere in Domino, iussos ad modestiam & preces,  
deposita prophana cura, utq; se omnis uirtutis  
exemplar imitentur, hortatur. Ad hæc liberali-  
tatem Philippensium erga se laudat, cum signifi-  
catione remunerationis ab ipso Domino expe-  
ctande. Postremò suo more claudit Epistolam  
salutationibus & fausta imprecatione.

EXEGESIS QVARTI CAPITIS  
CVM OBSERVATIONE  
DOCTRINARVM.

S E X T A P A R S.

Euodiam & Syntichen adhortor  
idem sentire in Domino,

M V.



EPIST: AD PHILIP:

**M**ulieres has insignes fuisse apparet, quas  
seorsim ad concordiam sanctam hortatur,  
et addit concordiae uinculum, cum inquit, in Do-  
mino, omnis enim concordia extra Dominum  
facilimè rumpitur.

Obserua officium pij Pastoris esse, non solùm  
totius gregis curam habere, uerumetiam singula-  
rum ouium salutem querere. Non enim satisfa-  
cit officio qui publicè tantum docet, hortatur,  
comminatur, nisi priuatim quoq; commonefaciat  
singulos, ubi & quando hoc necessarium animad-  
uerterit.

Et rogo te compar germane: (seu  
socie sincere) adiuua illas quæ in Eus-  
angelio mecum concertarunt, unà  
cum Clemente & cæteris operarijs  
meis.

Insignem aliquem commilitonem alloquitur,  
cum quo se idem iugem gestare, id est, idem onus  
sustinere in negotio Euangelij fatetur. Hunc hor-  
tatur, ut uiuet honestas illas Matronas, quò in  
concordiam reducantur. Huius rei causam subiun-  
git, quòd concertarint cum ipso in Euangelio, il-  
lud defendendo & propagando.

Insignis hic locus est, qui docet non solùm ui-

H 4 rorum,



COMMENT: IN  
rorum, uerum etiam mulierum esse, concertare  
pro Euangelio defendendo & propagando.

Sunt qui ex hoc loco Paulum habuisse uxorem  
falso colligunt, Ideoque uertunt in foeminino, Com-  
par germana, uerum ista opinio facile refelli-  
tur. Primum uerba ipsa Apostoli in masculino  
efferuntur, σὺν ὄντι γυναικί, At si obijcis, Atticis-  
mum esse, quo adiectiuum sub masculina termina-  
tione utriusque est generis masculini & foemini.  
Respondeo, Paulum non Atticum esse, nec saepe  
solere uti atticis figuris. Deinde 1. Corinth. 7.  
de seipso Paulus in hunc modum loquitur, Dico  
autem non nuptis & uiduis: Bonum est illis, si sic  
permanerint sicut ego. Hic aperte fatetur Apo-  
stolus se uxorem non habuisse. Præterea circum-  
stantiæ temporis, profectionis, labores, carceres,  
flagella & undique circumstantia uitæ pericula,  
satis conuincunt Apostolum postea non duxisse  
uxorem. Vnusquisque enim facile uidet, quod mini-  
mè aptum fuerit nuptijs totum istud prædicatio-  
nis Pauli tempus.

Quorum nomina in libro uitæ  
sunt,

Liber uitæ catalogus est electorum, in quo om-  
nes sunt qui credunt, & usque ad finem perseue-  
rant,



EPIST: AD PHILIP:

rant. Seu liber uitæ est propositum Dei & æternum consilium in pectore Dei definitum, quo ut omnes homines credentes in hoc libro inscripti, ita iniusti de eodem deleti esse perhibentur. Hæc loquendi ratio ab humana consuetudine desumpta est, qua significatur certitudo salutis eorum qui in Christum crediderint.

Gaudete in Domino semper, iterum dico gaudete.

Generalis exhortatio est, ad omnes Christianos promiscuè pertinens, qua hortatur ad gaudium spirituale in Domino. Opponit autem Apostolus gaudium in Domino, cum fiduciæ carnis, tum gloriationi Pseudoapostolorum. Quid autem sit in Domino gaudere patet ex superioribus, uidelicet, quod sit in eo omnem salutis fiduciam collocare, ex eo solo pendere. Huius gaudij materia & diuina sapientia, iusticia, sanctificatio & redemptio, quæ in solo Domino nostro Iesu Christo inueniuntur, iuxta illud: Iesus Christus est factus nobis à Deo sapientia, iusticia, sanctificatio, & redemptio. Quare non immerito Apostolus iubet, ut pii in Domino gaudeant. Iteratio facit ad exhortationis uehementiam.

Quid? An non Christus dicit, Beati qui lugent: Luctus & gaudium in Christianis simul  
H 5 sunt,



COMMENT: IN

sunt, sed non habent eosdem fontes. Luctus enim ex sensu iudicij Dei. Gaudium ex communicata misericordia promanat, atq; ideo non simpliciter dicit, gaudete, sed cum addito, in Domino, Qui enim in Domino per fidem manet, etiamsi caro eius premitur uarijs arumnis, ut mortificetur corpus peccati, unde non exiguus luctus in pijs nascitur: tamen gaudium Spiritus facit, ut quæuis incommoda æquiori feramus animo. Deinde cum Dominus beatos pronunciat lugentes, hoc ipsum animi gaudium commendat. Ita enim addit in eadem concione: Exultate & gaudete, Quoniam merces uestra copiosa est in cælis. Psalmus secundus ad eundem modum coniungit timorem & leticiam, cum inquit, Seruite Domino in timore, & exultate ei cum tremore. quod eleganter expressit Apollinarius, δεῖδτε, δδλοσωνε δ κδρδσσε χδρμασι δειμα. Vult enim Dauid timorem misceri gaudio, ut enim timor opponendus est securitati contemnentium iudicium Dei, ita fides consolationem & gaudium pariens, uictrix erit desperationis & dubitationis.

Modestia uestra nota sit omnibus hominibus.

Alia exhortatio, nempe ad modestiam: quam ideo cupit notam omnibus esse, ut exemplo ipso-  
rum



EPIST: AD PHIL:

rum alij ad modestiam & moderationem inuiten-  
tur. Est autem, τὸ ἐπιεικὲς uirtus, qua τὸ ἐν ὁρῇ,  
hoc est, modum & quod decet in omnibus rebus  
seruat, cum uidelicet quispiam adeò benignis mo-  
ribus sit præditus, ut omnes facili sibi conciliet  
morum probitate ac patientia iniuriæ.

Dominus propē.

Ratio proximè præcedentium exhortatio-  
num à præsentia seu prouidentia Dei sumta, ac si  
diceret: ueram cum gaudij tum moderationis ma-  
teriam habetis, nempe præsentiam Domini, qui  
curam gerit pro suis, estq; paratus semper ad  
opem ferendam laborantibus et inuocantibus. Iux-  
ta illud, Inuoca me in die tribulationis, Et, Tecum  
sum in tribulatione: Debet igitur summa con-  
solatio piorum sub cruce esse, quod habeant Do-  
minum præsentem, qui non destituit suos, sed uel  
in media morte gaudio spiritali erigit, ut non  
dubitent insultare Diabolo & omnibus eius  
membris. Sciunt enim crucem ueluti aditum  
quendam esse ad gloriam, iuxta illud Pauli: Si  
cum illo patiemur, simul cum illo glorificabi-  
mur, Roman. 8.

Nihil solliciti sitis.

Alia



COMMENT: IN

Alia exhortatio est, ad deponendam uanam  
& impiam sollicitudinem. Vt autem intelligi  
possit quanam sollicitudo prohibeatur, notandum  
est triplicem sollicitudinem esse. Quædam  
enim necessaria est, ut quæ uerbo Domini prohi-  
betur. Quædam ex utroq; genere mixta est.

Necessaria sollicitudo est pars officij Chri-  
stiani hominis, quæ nobis & mandato Dei, &  
multis illustribus exemplis commendantur. Pau-  
lus ad Roman. 12. ait, Qui præest, in sollicitudine  
scilicet præsit. 1. Timoth. 5. Si quis suorum &  
maximè domesticorum curam non habet, fidem  
abnegauit, & est infideli deterior. Micheas di-  
cit, Hoc requiri à Domino, ut sollicitè ambulemus  
coram ipso.

Hanc sanctam curam plurima nobis exem-  
pla in scriptura commendant, ut sanctorum Re-  
gum, Patriarcharum, Patrum familias, Prophe-  
tarum & aliorum. Paulus 2. Corinth. 11. Item,  
Collofs. 2. 1. Theff. 2. suam pro Ecclesia sollicitu-  
dinem testatur. Sic Dauid in multis Psalmis.

Breuitè, Vera pietas consistere nequit, nisi  
hæc sancta cura adsit, cum in communi piorum  
omnium, tum in singularum personarum uocatio-  
ne. Pius proinde Rex pro suo regno. Pius pa-  
terfa-



EPIST: AD PHIL:

terfamilias pro sua domo. Pius Euangelij Minister pro suis auditoribus, & quilibet hominum pro seipso sanctam sollicitudinem habere debet.

Vt autem clarius intelligi possit qualisnam hæc sancta cura esse debeat, quatuor in ea considerata sunt. Mandatum, Fides, Finis & Modus.

Mandatum Dei est, quo præcipitur hæc sancta cura, de quo nonnulla supra dicta sunt. Hoc mandatum Dei iubet, ut Deum, proximum & teipsum intucare. Vuult enim Deus ut coram se sollicitè ambules, uult ut proximi curam sollicitè geras, uult ut tuæ salutis & uocationis rationem diligentem habeas.

Fides propterea requiritur, quia nihil quicquam sine fide rectè fieri aut placere potest. Deinde fides est ueluti regula huius sanctæ curæ, nam nisi ad hanc regulam moderemur curam nostram, sancta esse non potest.

Finis principalis debet esse gloria Dei, cui alij plures subordinati sunt, status cuiusq; incolunitas, conseruatio Oeconomiarum & Politiarum, Ecclesiæ edificatio. Hi omnes fines gloria Dei destinantur.

Modus sanctæ curæ hic esse debet, Vt pius in omnibus actionibus se uoluntati Dei subijciat, à quo



COMMENT: IN

quo non solum successus petendus est: uerumeti-  
am si parum labor noster uotis responderit, ipsius  
tamen beneplacito nos submittamus.

Quòd autem Deus non semper sinat, ut uo-  
tis nostris omnia respondeant, (sepe enim fru-  
stra uidemur uel summam curam adhibere, sepe  
preces nostræ uidentur contemni) in causa est  
dilectio Dei erga nos, Ea enim est nostra imbecil-  
litas, ut in rebus prosperis facile uincamur à ua-  
na gloria, partem saltem nostræ prosperitatis no-  
bis ipsis ascribentes, sicut scribitur de Iosia, qui  
cum roboratus esset, cor ipsius in interitum ele-  
uatum est. Ezechias in afflictione iustus perse-  
uerauit, in prosperitate à uana gloria uictus est.  
Episcopi Romani in paupertate & persecutione  
sanctissimi fuisse, At successores in diuitijs, splen-  
dore, ac prospero rerum successu obliti sunt Dei,  
& ex pastoribus uersi sunt in lupos. Ecclesia sub  
Tyrannis sancta erat, Postea ex fauore imperato-  
rum facta est remissior. Quare singulari arte  
opus est, ne rerum prosperitate abutamur in no-  
stri perniciem, atq; ob eam causam Deus paterno  
consilio & singulari dilectione facit, ut nos in-  
terdum asperioribus flagellis refrenet, ne fero-  
ciores facti, iugum obedientiæ abiciamus. Huc  
pertinent elegantissimi Poëtæ uersus.

Nescia



EPIST: AD PHIL:

Nescia mens hominum fati sortisque futura,  
Et seruare modum rebus sublata secundis.

Mala & prophana sollicitudo quæ & Ethnica dicitur, & Matth. 13. suffocans, sollicitudo, (inquit) secuti huius & seductio diuitiarum suffocat sermonem, ut non ferat fructum, nascitur ex diffidentia & ignorantia prouidentie diuinæ, & prohibetur passim in scriptura, ut Matth. 6. Nolite solliciti esse in crastinum. 1. Petri 5. Omnem curam proijcientes in illum. Hæc cura prophana in causa, in fine, in modo errat. In causa, quia oritur ex diffidentia. In fine, quia presentis uitæ securitatem tantum & tranquillitatem spectat, & alia quæ carni sunt grata. In modo, dum iustum modum transgreditur, mundana cœlestibus, peritura æternis, salutis animæ tranquillitatem corporis præponens. Non enim se subijcit uoluntati Dei, sed potius fremit aduersus Deum, irascitur Deo, quando omnia ex uoto non succedunt. Non igitur immerito toties uerbo Dei damnatur.

Mixta sollicitudo est, qua curamus quidem quæ officij nostri sunt, sed modum non seruamus. Sæpe enim propter innatam in nobis intemperantiam in officium Dei sacrilegè irrumpimus, ut cum paterfamilias rectè quidem secundum mandatum



COMMENT: IN

datum Dei instituit familiam, liberos curat, quaerit uictum &c. sed non rectè laborem & curam partitur, labor quidem cum sancta cura in uocatione requiritur, sed euentus Deo commendandus est, cauendumq; ne trepidatio aut nimia anxietas ad impatientiam & prophanitatem impellat, quod quomodo uitari possit, mox docet Paulus cum nos ad precationem seriam remittit, polliceturq; pacem Dei inuocantibus.

Huius proinde loci scopus est, ut abiecta omni uana sollicitudine, pax nobis internè constet, & erga homines modestiores seu mansuetiores reddamur.

Sed in omni re per precationem & obsecrationem, cum gratiarum actione, petitiones uestrae innotescant apud Deum.

Optimum remedium aduersus sollicitudinis tentationem praescribit, nimirum ut in omni re, id est, in omni negotio, omni sollicitudinis tentatione ad Deum nostris petitionibus confugiamus, petendo bona, deprecando mala, gratias agendo pro collatis bonis, ut ita nostrae postulationes, id est, desideria ac uota innotescant Deo. Sic enim  
Deo



EPIST: AD PHIL:

Deo placet cordium scrutatori, ut nostra uota ipsi  
oratione proponamus.

Obseruemus itaq; salutare asylum esse in omni  
necessitate in solum Deum per fidem & inuoca-  
tionem recumbere.

Et pax Dei exuperans omnem  
mentem, custodiet corda uersa, & co-  
gitationes nostras in Christo Iesu,

Orationis exprimitur effectus, qui est con-  
seruatio cordium, id est, affectuum, uoluntatum  
& cogitationum, (id est, intelligentiæ) per pacem  
Dei exuperantem omnem mentem.

Est autem pax hæc quæ aliàs εὐδωκία Dei  
dicitur, qua uidelicet Deus Pater complectitur  
credentes in dilecto, & conseruat illorum affe-  
ctus & intelligentiam, ne à se deficient, sed in  
Christo per ueram fidem permaneant. Hunc  
locum diligenter obseruet, cuicumq; pietas salusq;  
curæ est. Insidiæ Diaboli magnæ sunt, At tu pre-  
ces opponito, & eris tutus. Mundus te premit,  
at tu precibus onus excute. Variæ & multipli-  
ces in Oeconomia, in Politia & Ecclesiastica gu-  
bernatione offeruntur offensiones & difficulta-  
tes, At tu ad Deum precibus tanquam ad tutissi-  
mum asylum confugito, & eris tutus, uel aduer-

I sus



COMMENT: IN

ius inferorum portas. Huc illud Salomonis, Turris fortissima nomen Domini, ad hanc confugiet iustus & saluabitur.

Quod reliquum est fratres, quaecumque sunt uera, quaecumque honesta, quaecumque iusta, quaecumque pura, quaecumque amicabilia, quaecumque boni nominis, si qua uirtus si qua laus, haec cogitate.

Congeriem communium officiorum facit. Constructio autem haec est. Quod reliquum est fratres, cogitate ea quaecumque sunt uera, quaecumque honesta &c. Requirit hic Apostolus duo in Christianis, uidelicet cogitationem & opus, hoc enim ab illa proficiscitur. In enumeratione operum, Primo loco requirit ueritatem, quae aduersatur omni hypocrisi & mendacio. Deinde honestatem, id est, sanctam quandam grauitatem morum, nimirum ut morum integritas consentiat cum doctrina & confessione. Tertio, iusticiam, quae moderatur contractus, monetque, ut alijs reddamus quaecumque illis uel naturali uel civili obligatione debemus. Quarto, puritatem, hoc est, castitatem animi ac sinceritatem. Quinto, amicabilitatem, qua pii student ijs rebus, quae ad amicitiam faciunt,



EPIST: AD PHIL:

unt, quantum quidem per pietatem liceat. Sexto  
requirit bonum nomen, uidelicet, ut pij sint stu-  
diosi integræ famæ. Septimo & octauo genera  
ponit loco specierum, quas non omnes recensuit,  
nimirum ut pij uirtuti ac rebus laude dignis stu-  
deant.

Quæ & didicistis, & accepistis, &  
audiuistis, & uidistis in me, hæc in-  
quam facite.

Hec uerborum Synonymia ad studium exci-  
tandum in Philippensibus facit. Obseruetur quod  
Paulus suos discipulos reuocet ad doctrinam &  
uitam suam, significans se quod uoce docuit, uita  
& moribus expressisse, debet enim Pastoris uita  
doctrinæ speculum esse.

Et Deus pacis erit uobiscum.

Fructus innocentie & pietatis additur,  
nempe præsentia Dei, qui nobis pacem & omnia  
prospera largitur. Et pertinet hæc adiectio ad lo-  
cum facilitatis. Si enim Deus adest opitulator,  
nihil erit adeò difficile, quin per ipsum fiat facile.

SEPTIMA PARS.

Cæterum gauisus sum in Domino  
ualde, quod iam tandem reuiuistis in  
uestra pro me cura.

I 2

Hæc



COMMENT: IN

Hæc pars approbatio est liberalitatis Philippiensium erga se, qui per Epaphroditum miserant subsidia necessaria. Ac primum quidem significat se gaudio affectum esse, non tam ipso munere, quam Philippiensium erga se studio, & simul excusat eos quod antea id non fecerant. Deinde se contentum esse presentibus ostendit. Tum approbato illorum facto, collatione extollit officium Philippiensium, ut qui soli sæpius suam erga se liberalitatem declararent, & ut uitet suspicionem, dicit se non tam donum quam fructum requirere. Mox subiungit, quod plurimum misso dono sit recreatus, ac tandem promissione et uoto hanc partem claudit.

Propositio huius partis est hæc, Gaudeo uos Philippienses animum erga me declarasse uestrum, misso per Epaphroditum dono. Quod autem eos dicit reuirsisse seu refluirsisse, tacitam habet reprehensionem sed fraternam. Significat enim eos aliquanto tempore se neglexisse, ac quodammodo sui oblitos fuisse. Metaphora admodum uenusta est, sumta ab arboribus, quæ hieme quidem arefcere uidentur, sed uerno rursus tempore uigorem seu uirorem recipiunt ad fructum edendum. Pius igitur qui suum nomen tueri uult, debet esse instar arboris frugiferæ, quæ fructus suos producit tempore oportuno.

De quo



EPIST: AD PHIL:

De quo tamen solliciti eratis, sed destituebamini oportunitate.

Prolepsis est. Nam ex dictis poterant Philippenses suspicari, Paulum oblique se taxare, quod serius misissent subsidia, Sed Paulus translatione utitur, & tempori imputat dilationem.

Non secundum penuriam loquor.

Alia est prolepsis, qua anteuertit suspicionem Philippensium, ne uidelicet suspicarentur Apostolum fuisse deiecto animo priusquam hoc donum ab illis accepisset. Hoc eò tendit, ut Domino subijciamur cum in copia tum in inopia.

Ego enim didici, in quibus sum, contentus esse.

Ratio anticipationis ab animi fortitudine, & est sensus: Didici presentibus contentus esse. Exemplum sanè omnibus pijs ministris Euangelij, atque adeò omnibus Christianis imitandum.

Noui & humilis esse & abundare.

Confirmatio est per distinctionem. Is autem nouit humilis esse, qui paupertate, contemptu, ærumnis pressus non frangitur animo, sed submittit se uoluntati Dei, & constanter perfert aduersæ fortunæ seuitiam. Contra nouit abundare, qui in felici rerum successu minimè superbit, sed



COMMENT: IN

in timore Dei cum gratiarum actione presentibus bonis utitur, Longe maxima ars hæc est, quousquisq; non aduersis frangitur? Quis non effertur animo, cum omnia sibi ex sententia eueniant: unde hæc scientia Apostolo? Duo sunt huius scientiæ principia, uidelicet uiua fides, & uerus timor Dei. Fides enim facit, ne in aduersis succumbamus. Timor Dei nos reprimat, ne in prosperis efferauiur, utrumq; principium inuocatione Dei fulcitur & conseruatur.

Vbiq; & in omnibus institutus sum & saturari & esurire, & abundare & penuriam pati.

Eandem sententiam repetit, sed magis eam specificat. Is sciat se multum in schola Christi promouisse, qui hoc Pauli exemplum uerè imitari potest, ad quod non tam doctrina quam pietatis exercitijs opus est.

Sciamus proinde eò contendendum esse, ut nos qui sacris Christi initiati sumus, fortiter feramus cum blandum fortune aspectum, ne uidelicet efferauiur, tum tristem eiusdem uultum, ne deiciamur. Hoc sanè si facerent pleriq; ministri Euangelij, melius cauere, ne inexpleriles à uulgo iudicarentur. Quare pijs ministris danda est  
opera,



EPIST: AD PHILIP:

opera, ut Pauli exemplum, quantum fieri potest, imitari studeant, ne maliciosi homines habeant occasionem calumniandi doctrinam Euangelij, propter ministrorum auaritiam.

Omnia possum in Christo qui me confortat.

Anticipatio est, qua occurrit ijs, qui arrogantie Pauli tribuere potuissent, quod gloriatur adeo de sua fortitudine, qua possit & in rebus aduersis & in rebus prosperis animum seruare infractum, dicit ergo non esse carnis & suæ fortitudinis proprium opus, quod possit æquo animo & infracto rebus aduersis & prosperis uti: Sed Christi donum esse, qui se confortat. Rogandus igitur est idem Christus, ut nos quoque suo confortet spiritu, quo ualeamus ea præstare ex gratia, quæ per naturam non possumus.

Cœterum bene fecistis communiscando necessitati meæ.

Rursus anticipat, ne uideretur contempsisse donum à Philippenzibus missum, & simul collaudat ipsorum factum, Obserua quod Apostolus liberalitatē erga ministros uerbi definiat esse opus bonum, ex quo sequitur, eos malè facere, qui nihil conferunt ad conseruandum ministerium.

I 4 Satis



COMMENT: IN

Scitis autem & uos Philippenses, quod initio Euangelij, cum proficiscerer è Macedonia, quod nulla Ecclesia mihi communicauerit, in ratione dati & accepti, nisi uos soli.

*Simpliciter haftenus commendauit Philippensium erga se liberalitatem, Nunc idem agit per comparationem exaggerandi officij gratia, Alij quibus non minus, quam uobis praedicaui Euangelium nihil contulerunt (En ingratitudinem) uos soli Philippenses saepius meam necessitatem uestris bonis subleuastis. Cum autem addit, in ratione dati & accepti, alludit ad rationes pecuniarias, ubi dati seu expensi & accepti habentur tabulae seu codicilli. Vult igitur Apostolus proportionem quandam esse, ut qui dedit, tantum recipiat, Qui igitur ministris uictualia largiuntur, recipere eos spiritalia iustum est. Et qui uerbum praedicant, dignum est ut iustum consequantur stipendium. Sed ut ante monui, ante omnia fugienda est auaritia suspicio, quae plurimum Euangelio Christi nocet, eiusque cursum impedit.*

*Testimonia de stipendijs ministrorum Euangelij plurima in scripturis extant, ex quibus pauca quaedam reseram. Matth. 10. 1. Timoth. 5. Dignus est operarius mercede sua. Non alligabis os boni*



EPIST: AD PHILIP:

os boui trituranti. 1. Corinth. 9. Si nos uobis spiritalia seminauerimus. Num magnum est, si nos uestra carnalia messuerimus? Ad Galatas 6. Qui catechisatur, cum eo qui se catechisat communicet in omnibus bonis. Et Paulus rursus: Qui bene praesunt Presbyteri, duplici honore digni sunt, hoc est, victu & reuerentia.

Nam cum essem in Thessalonica, semel & iterum quod opus erat mihi, misistis.

Exponit clarius quod dixerat, addita circumstantia temporis, si contulissent Philippenses Paulo necessaria dum Philippis apud se ageret, laudanda fuisset ipsorum liberalitas. Quid iam dicendum cum liberales sunt in absentem & laborantem alijs?

Non quod requiram munus, sed requiro fructum abundantem in rationem uestram.

Valde oportuna anticipatio est, qua anteuertit obiectionem illorum, qui Paulum quae sua sunt querere, sinistre opinabantur, & qui aegre fortassis ferebant tantum de publico desumi. Nam semper inter bonos multi sunt admixti mali. Et simul ostendit, non perire quod datur pijs ministris,

I S stris,



COMMENT: IN

stris, sed in rationem dati referri, unde expectare possunt, ut non poenitendum fructum recipiant. Vtinam hoc affectu praediti sint omnes, ita haud dubie fieret, ut & ipsi ministri Euangelij minus conquererentur, & fructus laboris ad ipsos rediret uberior.

Accepi autem omnia & abundo, expletus sum acceptis ab Epaphrodito, quae à uobis missa fuerunt.

Laudat rursus Philippenses ob liberalitatem ipsorum erga se. Et simul sibi gratum fuisse quod miserant, ostendit, adeo ut nihil sibi ad subsidia externa deesse fateatur, ac simul fidelitatem Epaphroditi ipsis commendat.

In odorem bonae frangrantiae hostiam acceptam, gratamque Deo.

Hac longe maxima est commendatio doni missi à Philippensibus, quod ipsum appellet Apostolus, odorem bonae frangrantiae, hoc est, ut ipse interpretatur hostiam acceptam & gratam Deo. Placet igitur in primis Deo liberalitas piorum erga scholas, doctores, discipulos & ministros uerbi omnes. Vnde merito ingratitude eorum detestanda est, qui nihil peius collocatum arbitrantur, quam quod ad ministerium Euangelij conseruandum datur. Obseruanda est hoc loco anthro-



EPIST: AD PHIL:

anthropopathia. Deus enim se huiusmodi locutionibus ad rudis populi captum accommodat, ut enim homini bonus odor est gratus & foetor displicet, ita obedientia quævis ex fide præstita dicitur hostia accepta & odor suauitatis Deo, contra uero quicquid non est ex fide, foetor est & displicet Deo, est igitur hæc figura metalepsis.

Deus meus implebit omnem necessitatem uestram, iuxta diuitias suas in gloriam Christo.

Promissionem apponit de remuneratione liberalitatis Philippenſium erga se aliosq; ministros Euangelij. Hæc promissio firmissimo fundamento nititur. Nam Dominus apud Mattheum capite 10. sic inquit. Quicumq; dederit uni ex minimis his poculum aque frigide, solum in nomine discipuli, Amen dico uobis, nequaquam perdet mercedem suam. Cum dicit Apostolus, Deus meus, duo uidetur uelle. Primum, quod soli illi de Deo uerè gloriari possint, qui in ipsum credunt, et iuxta ipsius uoluntatē uiuunt. Nec potest ullus esse tutior portus in procellis persecutionum, quam Deum firma fiducia suum statuere, ac in ipso solo gloriari, unde Paulus in carcere summam consolationis materiam sumsisse uidetur. Alterum quod, cum se seruum Dei facit, admonet



COMMENT: IN

neat Philippenses, quod quicquid in sese confecerunt, id in Deum conferri, cuius legatione fungitur. Implendi uerbum significat liberalitatem Dei, qua ipse abundè compensabit quicquid suis legatis fecerimus, idq; iuxta diuitias suas, id est, iuxta inexhaustam bonitatem, qua liberalis est in omnes suos. In gloria, id est, magnificè & gloriose, Et ut agnoscamus fontem liberalitatis Dei erga nos, addit, In Christo Iesu, hoc ideo adiectū est, ne quis suis meritis liberalitatem Dei erga se niti existimet. Nam solus Christus, ut reconciliator nostri cum Deo est: Ita omnium bonorum quæ à benigno Patre percepimus, fons & autor existit. Cum enim in se nostra opera sint indigna, quæ in conspectum Dei prodeant, per hunc solum fiunt accepta hostia, in quo Pater nos charos habet, adeò ut propter eundem, nostram qualemcunque obedientiam paterno complectatur fauore.

Deo autem & Patri nostro gloria in secula seculorum, Amen.

Hisce uerbis claudit totam Epistolam, unde colligendum quo omnia referenda sint, nimirum ad gloriam Dei Patris nostri per Iesum Christum. Hoc Apostolicum exemplum & nos imitemur, ac Deo cum in aduersis tum in prosperis agamus gratias, agnoscamusq; Christum fontem esse omnis liberalitatis Dei erga nos.

Salutate



EPIST: AD PHIL:

Salutate omnem sanctum in Christo Iesu.

Epistolaris terminus seu finis est, Solemus enim in finibus literarum notos ac beneuolos salutare. Nec hæc salutandi consuetudo inutilis iudicanda est, quæ præterquam quod affectum scribentis erga absentes amicos declarat, amicitiam prius conciliatam auget, fouetq;. Præterea etiam uicem piæ precationis obtinet, quæ nequaquam irrita & inefficax iudicanda est. Quis sanctus dicatur, sæpius supra dictum est, uidelicet qui fide purificatus, ac Deo dedicatus in sanctimonia fide uiuit, Vnde admonemur, si modo hunc titulum ritè tueri uelimus, ut perpetuæ sanctitati ac innocentie studeamus.

Salutant uos, qui mecum sunt, fratres.

Cōmilitones suos intelligit, qui pro defensione Euangelij secum laborauerunt, hos Fratres uocat duplici nomine, Cū quia in Christo saluatore communem Patrem Deum habent credentes, tūm propter affectum quem inter se fraternum fovebant, qui Christianum titulum usurparunt.

Salutant uos omnes sancti, maxime uero qui sunt ex Cæsaris domo.

Quod inuenti sint Christiani & sancti in nescia



COM: IN EPIS: AD PHIL:

nefandissimi & turpissimi tyranni Neronis familia imprimis admirandum est. Solent enim ut plurimum tyrannorum ministri suorum Dominorum mores imitari. Deinde & hoc observandum, quod in aulis Principum etiam sit locus pietati. Neq; enim illud uitæ genus per se cum pietate pugnat, unde sequitur hyperbolicè dictum quod uulgo fertur,

Nulla fides, pietasq; uiris qui castra sequuntur.

Nam si in Neronis familia fuerunt sancti uiri, quod hic Paulus testatur, cur non multò magis in piorum regum & sanctorum Principum aulis inueniuntur?

Gratia Domini nostri Iesu Christi sit cum uobis omnibus, Amen.

Vsitata est Paulo hæc imprecatio in omnibus suis Epistolis. Gratia nomine intelligit & causam & effectum. Causam quidem fauorem Dei, quo Deus nos complectitur in Filio. Effectum uero, quicquid salutare & prosperum est, & præcipue quod facit ad salutem æternam, partem per Dominum nostrum Iesum Christum. Hoc Pauli exemplum & nos imitemur, præ-

cemurq; omnibus fausta, &  
præcipue domesticis fidei.


FINIS.





W I T E B E R G Æ  
EXCVDEBATIO ANNES  
CRATO.

ANNO M. D. LXIIII.



L:  
s fami-  
ut plu-  
norum  
andum,  
pietati.  
pietate  
in quod

itur.  
incti ui-  
tō magis  
um aulis

Christi

in omni-  
elligit &  
fauorem  
io. Effe-  
rum est,  
nam, par-  
tum. Hoc  
pre-



